


TIFFEN Color Control Patches

© The Tiffen Company, 2007



讀史方輿紀要卷六十四

陝西十三

西寧鎮 甘肅州東南一千三百五十里東北至臨洮府

蘭州六百三十里東南至臨洮府河州二百五十里北至莊浪衛四百一十里西至生番界百五十里

自衛治至布政司二千一百里至京師四千九百里

古西羌所居謂之湟中漢屬金城郡後漢因之建安

中分置西平郡晉因之東晉末為秃髮烏孤所據稱

西平王 其弟利鹿孤復都後魏置鄯州後周又置樂

都郡隋初郡廢仍曰鄯州煬帝改州為西平郡唐初

復曰鄯州 開元二年置隴右節度治天寶初亦曰西



讀史方輿

卷六十四

陝西十三

一

文之習



平郡乾元初復為鄯州上元二年沒於吐蕃大中開
收復尋又為蕃人所據號青唐城宋元符二年收復

仍置鄯州亦置隴右節度使明年復沒於吐蕃崇寧二年復

收其地改為西寧州仍建隴右節度亦曰西平郡又改軍號曰賓德開渡後

荒棄元得其地仍置西寧州明初改為西寧衛屬陝

西行都指揮使司今為西寧鎮亦設西寧衛

鎮河湟環帶山峽紆迴志云西寧萬山環抱二峽扼重圍紅崖峙左青海瀦右扼

束羌番屹為襟要漢武使霍去病破匈奴因斥逐諸

羌不使居湟中宣帝時趙充國留屯金城盡平諸羌

關隴寧謐後漢建武十一年馬援等擊破先零諸種

羌時議者以金城破羌之西塗遠多寇欲棄之援因

上言破羌以西城多堅牢易可依固其田土肥壤灌

溉流通如令羌在湟中則為害不休不可棄也從之

其後馬賢龐參往往樹績于此晉室多故張氏據有

河西亦能緩輯羣羌保其險阻呂光繼之河湟漸爾

多事晉隆安二年時禿髮烏孤屯據廉川羌酋梁饑

攻後涼西平烏孤欲救之議者多以饑兵強為疑趙

振曰使羌得西平中外震動非吾利也烏孤亦曰饑

若得西平保據河山不可復制矣遂進擊饑破之於

是據有嶺南之地嶺謂洪池嶺見涼州衛又楊統言于烏孤曰

呂光衰耄諸子乖離若使浩亶廉川乘虛疊出不過
 二年姑滅可圖也烏孤從之後涼益困其後北涼西
 秦互相爭逐于河湟間西秦之亡其地没于吐谷渾
 後周皆規取之以藩蔽秦隴隋大業中勤兵遠畧地
 亦益斥唐貞觀中平吐谷渾開元中又建雄鎮於鄯
 州其時兵威震疊薄于西海天寶以後吐蕃乘中國
 之亂蠶食河湟東及秦隴于是唐之邊備近在邠岐
 涇原之境西平誠西面之保障矣宋關中戍守不越
 秦鳳熙寧以後始務遠畧圖復河湟以制西夏議者
 謂河湟復而宋祚傾夫豈探本之論乎元人控馭西

番恒以西平為要地明初置衛屯兵兼設茶馬司於

此用以馴制番部云考畧衛居萬山之中漢上番彝

吐等一十三番族各授官領印中納金牌茶馬正德

以後連寇盤據青海番族多為所戕滅亦有叛附之

者洮岷間勢且益急然則西

寧為內外之防不可不慎也

湟水廢縣今鎮治漢為西平郡治晉因之晉亂

張軌呂光等相繼有其地隆安二年禿髮烏孤敗

荒酋梁饑于西平明年使其弟儁檀鎮焉後又為

西秦所據宋元嘉二年夏主昌遣將呼盧古等伐

西秦進攻西平大掠而還尋沒于吐谷渾大明四
 年魏人侵吐谷渾軍至西平濟河而返尋置鄯州
 仍治西平縣後周以爲樂都郡治隋初郡廢開皇
 十八年改縣曰湟水仍爲鄯州治故樂都城蓋以後周
 武德二年平薛舉置鄯州治吐蕃謂之青唐城宋元
 樂都郡治而名也後沒于吐蕃復其地仍置湟水縣
 符二年洮西安撫使王瞻煥復其地仍置湟水縣

讀史方輿卷六十四 陝西十三 文二

為鄯善治靖康以後荒棄元仍置西寧州治焉一

治今衛城周

令居城

在鎮東北西荒傳武帝北却匈奴西逐諸羌

居六年李息計平之是也昭帝時置縣屬金城郡

合讀零趙充國謂西羌反時嘗攻令居是也宣帝

亂護羌校尉治此後漢元初二年時諸羌相率叛

道蓋先是徙治張掖也又延光初校尉馬賢擊叛

羌麻奴于牧苑不利麻奴等又敗武威張掖郡兵

于合居牧苑即合居之閑牧抽矣晉省入西郡

縣胡氏曰漢創築三城光祿若延令居是也

浩

在鎮東舊志云在蘭州廣武縣西南百餘里

日浩讀諸水名也曹者水流峽中岸深若門也杜

佑曰浩讀若閭漢神爵初先零諸羌犯塞遣義渠

安國備羌至浩壘為羌所敗還令居後漢亦為浩

壘縣或謂之浩壘建武十一年先零羌與諸種

擊大敗之又中元二年西羌寇隴右馬武將兵討

之戰金城浩壘復追擊到東西郡大敗之劉昺口

寧中張軌置晉與郡蓋治浩壘張駿時郡屬涼州

即此隆和三年秃髮烏孤使從叔吐若雷鎮浩壘

義熙十年西秦乞伏熾磐城南涼以玉基為晉興

太守鎮浩壘是也隋志浩壘縣後周并入湟水縣

臨羌城在衛西二百八十里漢縣屬金城郡在浩壘

府或曰即臨羌也又充國奏臨羌東至浩壘羌人

故田及公田民所未墾可二千頃以上又云循河

卷六十四 陝西十三 西平境內遣使求救詔安德王雄出澆河宇文述

遁即漢臨羌故城矣水經注羌水出湟中西南山下經護羌城東故護羌校尉治也又東逕臨羌城西是護羌校尉常治臨羌西界也沈括曰吐蕃有臨江砦至安鄉城東西千餘里臨江即臨羌之譌矣

安彝城

在鎮東北漢金城郡屬縣後漢因之建初二年以西羌叛詔護羌校尉自安彝徙屯臨羌晉仍為安彝縣屬西平郡隆和三年南涼秃髮烏孤以其弟利鹿孤鎮安彝是也後廢水經注湟水東合安彝川水又東逕安彝縣故城在漢西平亭東七十里○破羌城在鎮西北漢宣帝神爵二年置縣屬金城郡後漢因之永初三年羌攻沒破羌縣是也晉省

樂都城

在鎮西北二百三十里水經注湟水逕樂都也前涼置城于此後涼呂光因置樂都郡晉隆安三年秃髮烏孤自西平徙治樂都又義熙六年秃髮儁檀自姑臧還樂都十年西秦乞伏熾磐襲樂都儁檀世子虎臺拒守其臣梁肅以外城廣大難

龍支城

鎮東南八十里城西有龍支堆因名漢為金城郡允吾縣地後漢時置城于此和帝使曹鳳為金城西部都尉屯龍者即此城也晉隆安二年南涼秃髮烏孤擊羌酋梁饑于西平饑退屯龍支堡烏孤攻拔之後魏時置北金城縣西魏又改為龍支縣後周屬涼州隋因之唐改屬鄯州儀鳳三年鄯州都督李敬元奏敗吐蕃於龍支是也後沒于吐蕃號為宗哥城大中祥符中吐蕃唃廝囉徙居邈川其相李立遵居宗哥請命于宋宋命為保順軍節度使元符二年王瞻取其地旋復陷于吐蕃崇寧三年王厚收復後廢又衛南有龍居廢縣隋志西魏時置龍居路倉二縣後周廢入西

縣都

歸義城

在鎮西南漢築城以招徠諸羌因各歸義後漢元和三年燒當迷吾順命因退居河北歸

讀史方輿

卷六十四

陝西十三

五

改文封

義城是也章懷太子賢曰河北者逢留大河之北黃河至大小榆谷北則有逢留之名後漢永元中金城長史上官鴻開置歸義建威屯田二十七部侯霸復置東西屯田五部又增置逢留二部列屯夾河合三十四部承初中

羌叛而廢歸義城蓋屯戍處

白土城

在鎮南晉置白土縣屬金城郡或曰縣本曹魏所置十三州志在南津西六十里有白土

城在大河之北為緣河津濟處其西北有白土川因名晉太和二年涼張天錫討叛將李儼於隴

西使常據自左南張統向白土即此後涼呂光置

三河郡治白土縣二河謂金城河賜支河湟河也

時光自稱三河王因置三河郡義熙八年西秦乞

伏熾磐攻南涼三河太守吳陰于白土克之後魏

郡縣俱廢水經注河水經州城南

又東經臨津城北白土城南是也

左南城

在鎮東南舊志云在白土城東六十里前涼

三州志石城西百四十里有左南城河水經其南

曰左南津又東接枹罕界晉太和二年涼張大錫

討李儼使常據自左南進敗儼兵于葵谷天錫自

倉松進屯左南又義熙十年南涼王儼檀西討乙

弗部西秦王熾磐入其樂都儼檀詣熾磐降至左

南熾磐因賜儼爵左南公即此後魏縣廢葵谷

今見河州倉松見莊浪衛

長寧城在鎮西漢臨羌縣地晉析置長寧縣屬西平

寧亭晉置長寧縣又鄴城廢縣在鎮西北四十里有長

寧亭晉置長寧縣又鄴城廢縣在鎮西北四十里有長

曰漢西平故城在縣西○廢興城在故龍支城東

前涼所置城也晉太元十年後涼呂光將尉佑以

允吾叛敗犇興城降安二年後涼將李鸞以興城

廉川城

在鎮西南百二十里漢破羌縣地晉太元二

孤三年烏孤使從弟洛回鎮廉川其後為北涼所
取宋元嘉三年西秦王熾磐伐河西王蒙遜至廉
川即此後魏廢胡氏
日廉川在湟中是也

湟中城

湟中城在鎮西北胡氏曰湟水兩岸之地通謂之湟
中因謂之小湟中城置於西平張掖間本小月支之地
中卒縫草為船置於上以渡河掩擊迷唐大破

之是也永初末羌豪麻奴等復叛據湟中屢侵金
城武威諸邊郡延光初校尉馬賢討破之建安十

九年夏侯淵自與國討宋建於枹罕別遣張郃等
渡河入小湟中河西諸羌皆降是也水經注湟水

經湟中城又東經臨羌破羌允街枝陽金城而合
于大河○廣武城在鎮東北前涼張氏置廣武郡

屬涼州蓋分西平置郡也後廢或譌作須武云在
衛西南恐誤又臨咎城在鎮西百里宋史仁宗寶

元初吐蕃唃廝囉居鄯州西有
臨咎城通青海服屬于宋云

廓州城鎮南百八十里古西羌所居澆河地後漢延
熹中諸羌燒當結澆河大豪寇張掖段熲斬

澆河

澆河大帥于其地遂定西羌是也漢末屬西平郡
前涼以其地置澆河太守張弼以郡降明年烏孤敗

梁饑于西平澆河太守張弼以郡降明年烏孤敗
其叔素渥鎮澆河郡克之宋元嘉十一年西秦乞伏

檀襲北涼澆河郡刺史出連虔于澆河不克後魏
伐西秦攻其沙州刺史出連虔于澆河不克後魏

亦為澆河郡屬鄯州刺史出連虔于澆河不克後魏
渾得其所地改置澆河郡兼置廓州隋初郡廢而州

如故開皇三年突厥寇廓州州兵擊走之煬帝又
改州為澆河郡唐復為廓州開元二十六年置寧

塞軍于城內天寶初日寧塞郡乾元初復故上元
初沒于吐蕃宋元符中收復置寧塞郡乾元初復故上元

州明年復棄不守崇寧三年王厚復取之廢去黃
云州城舊治河北後嘗移河南今廢州城南去黃

河不及一里○廣威廢縣唐廓州治也木後魏之
石城縣西魏廢帝以縣有化隆谷因改為化隆縣

後周曰廣威縣隋志西魏置澆河郡於此後周廢
仁壽初復改為化隆縣屬鄯州唐改為廓州治先

天元年改為廓州治崇寧五年縣復曰廣威後沒于吐
蕃宋亦為廓州治崇寧五年縣復曰廣威後沒于吐

讀史方輿

卷六十四

陝西十三

七

文

文

南至河州鳳林縣二百八十里

河津城

在廢廓州西隋志後周澆河郡領澆河廣威

州改治廣威縣河津城遂廢又達化城在廢廓州

西唐後周置達化郡及縣隋開皇初郡廢以縣屬

廓州唐因之開元二十九吐蕃屠達化縣即此

澆河城

在達化廢縣西百二十里通典曰晉時吐谷

曲處或曰後涼所築水同洑曰澆城蓋置於澆河回

烏孤拔龍支堡梁饑單騎奔澆河既而澆河太守

王稚以郡降于烏孤明年烏孤使其叔若雷鎮澆

河宋元嘉三年西秦乞伏熾擊為澆河郡魏遣長孫觀擊

與三年吐谷渾王拾寅寇魏澆河郡魏遣長孫觀擊

降之尋廢又唐天寶十三載隴右節度使哥舒翰

奏丁所開九曲地置澆河洮陽二郡杜佑曰澆河

邢川城

在廢廓州東南禿髮檀時所置邢川護軍

城北又東逕石城南又東逕邢川城南杜佑曰後

漢和帝時侯霸置東西邢川田五部邢水名也分

流左右在寧塞郡東劉琦曰廓州化隆縣東即古

邢川地○米川城在廢廓州東南本漢枹罕縣地

唐貞觀五年置米川及米川縣十年州廢以縣屬

廓州後沒牙吐蕃宋崇寧二年收復置米川城王

厚云米川城沿河西至廓州約六十里過河取正

路至結雍城約九十里又膚公城在廢廓州北二

十里吐蕃結雍城也宋崇寧中收復賜今名志云

城北三十里有綏平堡本名保敦谷宋崇寧三年

與築賜名綏平尋廢

積石城

在廓州西百八十里本吐谷渾地唐貞觀八

年改為積石軍開元十四年置靖邊鎮于此儀鳳二

石而西王君奭引軍躡其後是也天寶中哥舒翰

敗吐蕃于積石城尋為吐蕃所陷宋時番名溪哥
 城元符二年吐蕃陷征之族杓梭據溪哥城聯征
 攻殺之觀二年收復仍置積石軍宋志軍西至
 青海百里南至蓋龍峽八十里其城西臨大澗北
 枕黃河或曰即隋之河津縣治也金人亦置積石
 州於此元因之明初廢○廢貴德州在積石西南
 元置州於此隸土番等處宣慰司至元十七年都
 實窮河源自此崑崙崑崙還至貴德州約半月程地名必
 赤里始有州治官府又
 四五日至積石城是也
 河源城在鎮西南隋大業四年伐吐谷渾置河源郡
 與積石山相近永隆初軍使黑齒常之敗吐蕃贊
 普于良非川常之以河源衝要欲加兵戍之而轉
 輪險遠乃廣置烽戍七十餘所屯田五千餘頃絲
 是戰守有備乾元初沒于吐蕃大中三年吐蕃叛
 將論恐熱謀奔鄯州引兵軍于河州鄯州將尚婢
 婢軍河源以拒之諸將欲進戰婢婢不可諸將不
 從乃據河橋以待之諸將果敗婢婢收餘眾焚橋
 奔歸鄯州城蓋與河州接界通與河源軍在鄯州

西百二十里

赤水城在鎮西南吐谷渾所築隋大業四年宇文
 城因於赤平至臨羌城進拔吐谷渾曼頭赤水二縣尋

廢唐貞觀八年討吐谷渾分軍出赤水道天寶六
 載河西隴右節度使以李光弼充赤水軍使是也
 隋志赤水管下有曼頭城曼讀萬以曼山向名

臨番城在鎮南唐志河源軍西六十里有臨番軍蓋

州刺史尚婢婢遣兵據臨番城拒叛將論恐熱于
 白土嶺不利復遣將據臨番城以拒之為恐熱所
 敗唐開元五年置番西十七年吐蕃寇白水軍通典

軍在鄯州西北
 二百五十五里

洪濟城在鎮西南舊志在達化縣西一百七十里後

洪濟城周武帝遜吐谷渾置洪濟鎮其後吐蕃亦置
 之唐志云廓州西南百四十里為洪濟橋其相近
 讀史方輿卷六十四陝西十三九
 攻之蜀

有金天軍天寶十三載所置又有漁海遊奕等軍
在洪濟橋東亦吐蕃所置天寶初河西節度使王
德後俱破吐蕃漁海及遊奕等軍是也至

大漠門城

吐蕃得河西九曲地因置洪濟大漠門等
城以守之開元十五年河西節度使蕭嵩等破吐
蕃於渴波谷又追拔其大漠門城焚其駱駝橋是
也駱駝橋在火

宛秀城

在鎮西南唐志寧塞郡西有寧邊軍又西入
九曲也景龍元年吐蕃贊普請其地詔與之九曲
者水甘草涼宜畜牧自是蕃益雄張開元六年郭
知運敗吐蕃兵于九曲天寶十三載哥舒翰破吐
蕃洪濟大漠門等城收黃河九曲置洮陽郡築神
策宛秀二軍尋
又没于吐蕃

綏和城

在鎮西南二百五十里唐開元二年置綏和
守捉于此又合川城在衛南百八十里唐貞

觀中所置合川守捉城也俱至德後廢○百谷城
唐志云在廓州東南八十里有武寧軍又有耀武
軍在廓州南二百里黑峽川俱天

定戎城

在鎮西南唐志定戎軍天寶十三載置自鄯
南六十里至定戎城又南
隔澗七里即石堡城矣

石堡城

在鎮西南三百里本吐蕃鐵仞城亦曰石堡
七年朔方節度使信安王禕出隴西拔石堡城初
吐蕃陷石堡因侵擾河隴至是拔之據守要害河
隴諸軍遊奕拓境千餘里因更名石堡城曰振武
軍二十九年吐蕃攻承風堡又襲攻振武軍蓋嘉
運不能守天寶四載隴右節度使王忠嗣攻石堡
不克六載詔河西隴右節度使王忠嗣攻石堡
言石堡險固吐蕃舉國守之今頓兵其下非殺數
萬人不能克請俟其有釁然後取之不聽遣將軍
董延光將兵攻取命忠嗣分兵助之果不克八載
隴右節度哥舒翰復攻石堡其城三面險絕惟一

卷六十四 陝西十三 十

徑可上吐蕃以數百人守之唐兵死者數萬僅而
 克之翰遂以赤嶺為西塞開屯田備軍實詔以石
 堡城為神武軍又謂之天威軍至德初復沒于吐
 蕃長慶二年吐蕃請定疆候遣大理卿劉元鼎往
 就盟元鼎逾成紀武川至龍支城過石堡城崖壁
 峭立道回屈譯曰此鐵仞城也續通典石堡城在
 龍支縣西四面懸崖數十仞石路
 磬曲長三四里西至赤嶺三十里
 神威城在青海上又築城于青海中龍駒島時有白龍
 見因各應龍城及明年水合吐蕃大至成龍駒島
 者悉沒至德初城陷于吐蕃○威戎城在衛西北
 三百里唐開元二十六年鄯州將杜希聲拔吐
 蕃新城以其地為威戎軍是也志云城在鄯州星
 宿川西北三百五里又有制勝城在衛西天
 寶十二載置至德初與威戎俱沒於吐蕃
 大嶺城在鎮西境旁有大嶺谷吐蕃置城于此武后
 長壽末武威道總管王孝傑破吐蕃于大嶺
 谷又天寶初隴右節度使皇甫惟明奏破吐蕃大
 嶺谷及破其青海營屯是也○安人城亦在衛西

通典云在星宿川西開元七年置安人軍屬隴右
 節度使二十七年吐蕃寇安人軍二十九年吐蕃
 復寇安人軍渾崖峯騎將臧希
 液破却之至德後俱陷于吐蕃
 樂州城鎮東南二百餘里本漢金城郡地唐屬鄯州
 南廝囉自宗哥城徙居邈川城宋大中祥符中吐蕃
 安撫使王瞻自河州引兵趨邈川降之因置湟州及邈
 建中靖國初荒棄崇寧二年收復仍置湟州及邈
 川縣為倚郭五年縣廢大觀三年又升為嚮德軍
 宣和初改為樂州後沒于金州廢○來賓城在廢
 樂州西南百四十里南去黃河不過十里崇寧三
 年置志云城西三十
 宣威城鎮北五十里唐天寶十三載置宣威軍後沒
 于吐蕃謂之羗牛城又誤為羗牛城宋元祐
 二年趙元昊攻吐蕃廝囉羗牛城又攻青唐宗
 哥等城是也元符二年收復崇寧三年復置宣威
 城四年夏人合荒部逼宣威城知鄯州高永年出
 禦之行三十里為羌人所執既而羌眾復焚大通
 譚史方輿卷六十四 陝西十三 十一 文

河橋以叛尋討平之後廢又仁冬泉城在鎮北百
七十里宋政和五年童貫使劉法劉仲武合熙秦
之師攻夏仁冬
泉城屠之即此

震武城

在鎮東北本名古骨龍城政和五年童貫遣
將劉法出湟州法敗夏人于古骨龍城因建
為震武軍其北即統安城也宣和元年夏主弟察
哥敗劉法於統安城乘勝攻震武其城在山峽中
熙河兩路不能餉屢為夏人所困至是又將陷察
哥曰勿破此城雷作南朝病塊遂引去靖康末復
為夏境又統安城在震武北宋與西夏接壤處宣
和初童貫使劉法攻夏統安城兵敗走至蓋朱峴
為夏守塞兵所殺志云其地在湟鄯間又德通城
亦在震武城北吐蕃所置曰聯合古城宋政和七
年收復改
為德通城

大通城

在鎮東南本吐蕃所置達南城也形勢險要
控扼夏境宋崇寧間收復湟鄯于此築寨把
守志云大通城屬樂州其西六十里有菊花河東
四十里接河州境之通津堡○綏邊城在鎮東北

三十里宋置番名宗谷城崇寧二年進築賜名綏
邊亦曰綏邊其北有乳洛河又寧西城在鎮西
四十里
亦宋置

伏侯城

在青海西十五里本吐谷渾國都也梁大同
六年吐谷渾王夸呂始稱可汗居伏侯城後
周主邕建德五年遣太子纘伐吐谷渾至伏侯城
而還隋大業五年伐吐谷渾別將劉權出伊吾道
至青海乘勝追奔至伏侯城因置西海郡統縣二
曰宣德曰威定皆在青海之西隋亂廢唐貞觀八
年李靖帥諸軍討吐谷渾次伏侯城吐蕃所據
大非川靖擊平之亦謂之伏延城後為吐蕃所據

西海城

在青海上王莽諷卑未羌獻西海地置西海
郡東漢初廢永元中護羌校尉侯霸擊滅叛
羌西海及大小榆谷無復羌寇從隴糜相曹鳳言
繕修故西海郡徙金城無復羌寇從隴糜相曹鳳言
時為吐谷渾所據唐永徽以後吐蕃擊吐谷渾而
有其地置青海節度于此後廢○臆城在青海西
南唐至德後吐蕃所置有臆城節度使屯戍于此
貞元中韋臯帥蜀遣將王有道帥精卒與東蠻白

樹敦城

故嵩州臺登北谷進擊吐蕃破其青海臘城二節度而還蓋深入掩擊也臺登見四川建昌衛

于涼州以襲吐谷渾宇文泰使涼州刺史史寧隨

之至番禾吐谷渾覺之奔南山史寧曰樹敦賀真

二城吐谷渾之巢穴也拔其本根餘眾自散遂與

突厥分道趨之突厥從北道寧從南道大破之與

突厥會于青海唐天寶九載關西將王難得擊吐

積石山

積石山在衛西南百七十里舊志在龍支縣西南九

山谷

峽口山

在衛東南地極險阻為湟郡往來咽喉地漢時謂之湟陘趙充國屯田奏治湟陘以兩道

橋七十所合可至鮮水左右是也唐人嘗修閣道宋築者章城控制要害亦名綏遠關

四望山

在衛東百里湟水經其陽亦曰四望陘顏師

擊西羌至金城渡河遣騎候四望陘中無人夜引

兵上至洛都喜曰吾知羌不能為軍矣使發數千

抄延山

在衛南二百餘里隋大業五年大獵于抄延

樓山即四望陘中兵豈得入哉隋志湟水縣有土

拔延山通典在廓州廣威縣場帝征吐谷渾時經

濁渾山

在衛西北舊志云在赤海之西唐貞觀九年

在衛西南五百里志云山南出暖水

豐利山

在衛西青海東隋開皇初吐谷渾寇涼州遣

爾汗山在衛西隋開皇三年行軍總管梁遠破吐
谷渾于此○庫山亦在衛西唐貞觀八年李靖等
討吐谷渾任城王道宗敗之于庫山靖因與道宗等
分道窮追是也

曼頭山

在衛西北宋泰始六年北魏主宏遣其將長
孫觀西擊吐谷渾王拾寅敗之于曼頭山分兩道
貞觀八年李靖等伐吐谷渾自庫山分兩道靖趨
北道其部將薛孤兒敗吐谷渾于曼頭山志云隋
置河源郡有曼頭城蓋因山得名也○車我真
山在衛西六百餘里隋大業五年煬帝追吐谷渾
可汗伏允于覆表川分命元壽南屯金山段文振
北屯雪山楊義臣東屯琵琶峽張壽西屯泥嶺四
面圍之伏允潛遁遺其名王詐稱伏允
保車我真山是也金山亦在衛西界

赤嶺

衛西三百二十里續通典石堡城西三十里有
去長安三千五百里自鄯州鄯城縣西行二百里
即赤嶺也北魏主詔時宋雲等奉使西域自洛陽
行四千里至赤嶺乃出魏境又西行再芬至乾羅
國得佛經一百七十部而還唐儀鳳三年婁師德

使吐蕃吐蕃迎之于赤嶺開元十九年吐蕃請交
馬于赤嶺互市於甘松嶺宰相裴光庭曰甘松中
國之阻不知許赤嶺乃險以赤嶺為界表石刻約

二十二年又立碑於赤嶺分唐與吐蕃之境二十
六年命河西節度蕭景隲石節度杜希望分道經

畧吐蕃碎赤嶺碑天寶八載哥舒翰克吐蕃石堡
城復以赤嶺為西塞長慶二年吐蕃復請定疆候

大理卿劉元鼎過不堡城西行數十里土石皆赤
名曰赤嶺蓋隴右故地距長安三千里即開元

中與吐蕃分界處也甘松嶺見四川松潘衛
承風嶺

承風嶺

吐蕃戰于青海兵敗還顯承風嶺阻泥溝自
固賊屯兵高岡以壓之別將黑齒常之引軍襲擊
其營賊敗遁去杜佑曰嶺在廣威縣西南東北去
鄯州三百十三里○白草嶺在衛西北近甘州界
水經注西平鮮谷塞東南有白草嶺劉宋元嘉初
西秦乞伏熾磐遣太子暮末等出貂

渠谷攻北涼白草嶺臨松郡皆破之
勒姐嶺

勒姐嶺

在衛東關駟曰金城安樂縣東有勒姐河與
金城河合勒姐嶺在河西所出也漢時勒姐
讀史方輿卷六十四陝西十三

志

文司

羌居之晉義熙十一年沮渠蒙遜攻拔西秦廣武郡又敗西秦兵于浩亶西秦王熾擊遣將折斐等據勒姐嶺邀其還路蒙遜擊擒之即此姐讀子又白土嶺在衛東南嶺蓋與白上故城相近唐大中四年吐蕃叛將論恐熱遣兵擊鄯州帥尚婢婢于白土嶺胡氏曰嶺在河州鳳林縣西○星嶺在故龍支城西北隋大業四年征吐蕃星嶺而北是也吐蕃置城于此曰帶星嶺城宋元祐二年趙元昊攻吐蕃嶺城即此
 哥城及帶星嶺城即此
 榆谷在衛西水經注河水逕西海郡南又東逕允川西歷大小榆谷北二榆土肥美本先零羌所依阻後漢建武中燒當羌滇良集諸種擊破先零奪居大小榆谷地由是始強章和末燒當豪迷唐據大小榆谷侵擾河湟間護羌校尉鄧訓發兵掩擊迷唐于寫谷羌乃去大小榆居頗巖谷眾悉離散永元四年聶尚代鄧訓為校尉招迷唐等復居大小榆谷迷唐遂叛寇金城塞五年校尉賈友攻迷唐於大小榆谷破走之因作河橋於逢畱大河以度兵十一年迷唐降入居金城詔將其種人還

大小榆谷迷唐以漢作河橋兵來無常故地不可復居辭不肯徙校尉吳祉等促使出塞遂復叛還賜支河曲十四年時迷唐衰息西海及大小榆谷左右無復羌寇榆麋相曹鳳上言西羌為寇常居大小榆谷土地肥美有西海魚鹽之利阻大河以為固緣山濱水可廣田畜故強大常雄諸種請及時規固二榆屯田積穀隔塞羌胡交關之路從之永初中以羌亂復罷自晉以後皆為羌人所據後周擊逐吐谷渾復收其地隋大業四年築長城自榆谷而東以禦吐谷渾也胡氏曰大小榆谷即唐之九曲也去積石軍三百里水草甘宜畜牧景雲初吐蕃請河西九曲地鄯州都督楊矩奏與之吐蕃置洪濟大漠門等城又置獨山九曲兩軍以守其地肥饒吐蕃就之畜牧因以入寇矩悔懼自殺開元二年吐蕃寇臨洮至渭源宰相姚崇等奏吐蕃舊以河為境神龍中尚公主遂踰河築城置獨山積石兩軍去積石三百里又于河上造橋今吐蕃既叛宜毀橋拔城從之五年隴右節度郭知運大破吐蕃于九曲天寶十二載隴右節度哥舒翰擊吐蕃拔洪濟大漠等城悉收九曲部落蓋讀史方輿卷六十四陝西十三

卽漢大小榆谷地矣杜佑曰榆谷在蘭州五泉縣悞也煩巖谷又在榆谷西

洛都谷

在衛東北劉昫曰浩亶縣有維都谷卽洛都

谷矣後漢永平初馬武擊燒當羌敗于落都谷此

引出塞武追破之于東西

上歸義城及鄯州城注○寫谷在衛西後漢章和

二年護羌校尉鄧訓發湟中秦胡羌兵四千出

塞掩擊叛羌迷唐于寫谷迷唐

遠徙是也東觀記寫谷作鴉谷

長寧谷

在衛西水經注湟水逕臨羌故城南又東長

寧谷寧川水注之長寧水東南流逕晉昌川又有

長寧亭亭北有養女嶺卽浩亶西平之北山陷煬

帝自拔延山人長寧谷度星嶺然後至洛亶川是

也

大允谷

在衛西青海旁漢時湟中羌燒當累世居河

先零卑湍羌地居大榆中始強盛所云允谷鹽池

卽此谷也○渴波谷在衛境青海西唐開元十五

年河西節度使蕭嵩隴右節度使張忠亮大破吐蕃于此

三兜谷

在衛西南東漢章和未護羌校尉傅育擊燒

之胡氏曰三兜在建威縣或曰在臨羌西南○木

乘谷在衛西後漢章和初張紇爲護羌校尉屯臨

羌迷吾犯金城塞紇遣從事司馬防與戰于木乘

谷敗之谷蓋在臨羌西境又龍泉谷亦在衛西唐

長慶二年劉元鼎使吐蕃踰湟水至龍泉谷西北

望殺狐川哥舒翰故壁多在焉殺狐川蓋近青海

破邏真谷

在衛西南唐貞觀八年侯君集與任城王

境二千餘里經破邏真谷追及吐谷渾王伏允于

烏海大敗之旣而還軍至破邏真谷伏允之子順

出降詔以順爲西平郡王○黃谷在故浩亶縣東

劉宋永初元年沮渠蒙遜欲伐西涼引兵攻西秦

浩亶潛還乃露布西境云已克浩亶將進

攻黃谷謂此或云西秦置城戍守于此

牛心堆

在衛西北唐貞觀九年李靖敗吐谷渾曼頭

山進敗之于牛心堆水經注湟水自臨羌縣

東流合龍駒川又東合晉昌川又東合長寧川又東合牛心川川水出西南遠山東北流逕牛心堆又東逕西平亭西東北入於湟水○三堆在故浩臺縣南晉隆安四年後涼呂纂擊禿髮利鹿孤利於三堆胡氏曰三堆在浩臺河南

西海

在衛西三百餘里一名青海亦曰鮮水又為允谷鹽池周圍數百里中有龍駒鳥今詳見大川○曲海在衛西北史云在吐谷渾北乙佛勿敵國境內海周圍千餘里其種萬落風俗與吐谷渾同或云曲海

即西海也

赤海

在衛西北即赤水也西漢末赤水羌與去胡來王相攻即此唐貞觀九年李靖敗吐谷渾於牛心堆又敗之于赤水源別將薛萬均等又敗之于赤海麟德二年吐蕃攻奪吐谷渾地遣使人見赤水地畜牧胡氏曰赤海赤水深廣處唐時有黑党項居赤水西是也去胡來王娑羌國王名也見後安定衛○烏海在衛西塞外隋志云烏海在河源郡漢哭山西李靖等伐吐谷渾自庫山分兩道

任城王出南道歷破邏真谷追及其王伏允於烏海大破之咸亨元年薛仁貴擊吐蕃自大非川進屯烏海杜佑曰吐蕃國出部城五百里過烏海莫春之月山有積雪地有冷瘴令人氣急不甚為害新唐書破邏真谷去烏海二千餘里快

黃河

在衛南自西域流入中國經積石山又東北入河州界後漢志注大河經大小二榆谷北有逢雷之名和帝永元中羌校尉貫友攻破迷唐子大小榆谷遂來逢雷大河南築城烏作大航造河橋欲度兵擊迷唐既而迷唐衰滅曹鳳為金城西部都尉屯龍耆增廣屯田列屯夾河合三十四部會永初羌亂功

垂成而罷

湟水

在衛北漢志臨羌西北塞外有西王母石室僊海鹽池則湟水所出括地志湟水一名樂都水來自牛心堆經西望山陽東至允吾入河湟水左右地皆肥美漢武開河西四郡隔絕羌與匈奴相通之路斥逐諸羌不使居湟中地是也其後元康四年先零豪言廢時渡湟水北逐民所不田處畜

牧是後遂抵冒渡湟水欲結匈奴絕漢道趙充國擊平之元圖經湟水出祁連山下東流千餘里合浩壘河又東入蘭州西境合洮水入黃河一統志湟水今不經見衛城北北山之陰有蘇木連河疑即湟水云

賜支河

在衛西南塞外應劭曰在河關之西東去河關千餘里即禹貢所云析支也亦曰析支河羌人居此謂之河曲羌後漢永元五年護羌校尉貫友造河橋于逢雷大河南後漢永元五年護羌校尉部還賜支河曲犯金城塞敗於允川遂遠逾賜支河首永建五年護羌校尉韓皓展湟中屯田置兩河間以逼羣羌羌懼而圖變乃移還湟中兩河間胡氏曰逢雷大河南及賜支河間也

西寧河

在衛城北百步源出熱水山北流五里經伯顏川又合那孩川流五百里入黃河又遶水在衛南源出西境宿軍谷東流五百里入于黃河

浩壘川

在衛西北一名閭門水浩壘讀曰閭門也水經注浩壘河出西塞外經西平之鮮谷塞又東逕養女北山東南流經浩壘故城南又東注於湟水漢志注浩壘水出塞外東至允吾入湟水見也隋大業五年伐吐谷渾至允吾入湟水見都水使者黃亘等數日橋成乃行唐咸亨二年吐谷渾為吐蕃所敗認徙之於浩壘水南尋復徙靈州其故地悉入于吐蕃朱思本云浩壘水出刪丹州南刪丹山下東南流七百餘里合湟水而注於黃河

宗哥城

在衛西南九十里源出塞外經故龍支城東蕃明斯囉宗哥城及帶星嶺諸城渡宗哥河部兵溺死者甚眾崇寧二年王厚叟後湟鄯進軍宗哥川羌置陣臨宗水倚北山厚叟遊騎登山攻其北而親帥強弩迎射羌走分軍逾水擊之遂降其城進下青唐入廓州是也宋志宗哥水來自青海下流入湟水水南有宗谷口謠曰宗哥吐蕃因以各其城

大非川

在衛西唐十道圖大非川在青海南烏海星宿海柏海並在其西互相灌注

李靖敗吐谷渾于大非川後為吐蕃所據咸亨初薛仁貴討之至大非川將趨烏海以烏海險遠議畱輜重于大非嶺上為兩柵以守之別將郭待封不從仁貴前行破吐蕃于河口進屯烏海以俟待封封待封將輜重徐進為吐蕃所敗仁貴還屯大非川吐蕃就擊之死傷畧盡又開元十四年王君奭追擊吐蕃于大非川因進至青海西乘冰而渡破之唐志川在積石軍西胡氏曰河口積石河口也自唐鄯州鄯城縣西行三百餘里即大非川矣

允川 在衛西後漢志注允川去賜支河曲數十里在大小榆谷之西金城塞外地也為羌豪依阻處永元十三年燒當羌迷唐叛還賜支河曲將兵向塞校尉周鮪等擊破之于允川○良非川在衛西南近河源軍城唐儀鳳中吐蕃寇河源軍屯兵于良非川河源道經崆峒大使黑齒常之擊破之永隆二年常之復破吐蕃論贊普于良非川收其糧畜而還

安燹川 在衛東北安燹故城以此名水經注湟水東合安燹川又東合勒姐溪水又有晉昌川水

經注在湟中浩鹽縣西南合長寧川而注于湟水長寧川見長寧谷○勒姐溪在衛東北源出勒姐嶺後漢章帝時勒如羌作亂馬防討平之水經注湟水東逕安燹縣又東合勒姐溪

昂川 在衛西南宋元嘉三年吐谷渾別部握達等帥部落叛西秦苻昂川附于吐谷渾王慕瓚是也又居茹川亦在衛西南唐貞觀九年李靖等伐吐谷渾別將執失思力破之于居茹川

覆袁川 在衛西塞外隋大業四年伐吐谷渾渡浩鹽面圖之即此又突倫川亦在衛西塞外唐貞觀八年李靖討吐谷渾督諸軍經積石山河源至且末窮其西境聞伏允在突倫川將奔于闐別將契苾何力追之積中乏水刺馬血飲之襲破其牙帳侯君集進踰星宿川至柏海遣與靖軍合星宿川亦曰星宿海柏海又在其西突倫川唐書薛萬均傳作圖倫積蓋語轉也

伏羅川 在衛西南宋元嘉二十二年北魏主燾遣拓跋那擊吐谷渾於白蘭破之二十九年吐谷

讀史方輿 卷六十四 陝西十三 九 攷文引

渾王拾寅始居伏羅川川蓋與白蘭山相近白蘭見後梁甘思○邏婆川在西塞外唐志吐蕃贊普牙在此有羅婆城咸亨初以薛仁貴為邏婆道行軍總管進討吐蕃是也

潤水 在衛西南境唐十道圖在党項羈糜州界貞觀八年李靖伐吐谷渾赤水道行軍總管李道彥出党項中行至潤水乘其無備襲之羣羌怒邀擊道彥敗之○白水潤在衛西北二百三十里唐永淳初吐蕃寇河源軍使婁師德敗吐蕃於白水潤是也開元中置白水軍蓋因潤以名

那孩川渠 衛南五十里又衛北八十里有廣牧川渠資其利志云衛境之渠約二十有餘分流灌田民

鹽池 在衛西三百里漢志金城臨羌縣有鹽池十三吐谷渾使高甌生出鹽澤道謂鹽池也

綏遠關 在衛東南宋志綏遠關本名酒金平東至渥州二十里西至勝宗谷口三十里南至麻宗

崇寧二年置關于此屬湟州尋廢

石峽口 衛東七十里其在衛西者又有亂鐵溝山口伯顏川山口西番溝山口在衛南者有那海

山口黑松林山口徹兒山口皆在衛北者又有軍卜魯川石峽堡伯顏川堡軍卜魯川等堡共為防禦云○平戎堡在衛東七十里有平戎驛衛東南二百三十里有右都堡亦為古都馬驛置於此又東五十里在青海南唐貞觀八年遣李靖等擊吐谷渾李君羨別將精騎擊賊於青海南懸水鎮大

承風堡 在衛西南開元二十九年吐蕃攻承風堡又龔破振武城胡氏曰堡在振武西或云在承風嶺上○安川堡在慶樂州西南百餘里巴金嶺

上宋元符二年收復明年置堡於此宋志云堡南至河州安鄉關三十里又寧川堡在

安州堡北四十里亦宋元符三年置

順通堡

在故積石城東十八里宋大觀中置屬積石軍其東南三十五里為臨松堡北二十里曰懷和砦俱宋置○石門堡在故震武軍北宋政和七年築又震武城旁有浮橋宋政和六年賜名通濟兼置堡曰善治其相近者又有大同堡

清平砦

衛西南百里宋崇寧三年置又保塞砦在衛東南六十餘里舊名丁令谷俱宋崇寧中改置屬西寧州○寧塞砦在廢廓州東十七里宋崇寧中置又有同波堡在廢廓州西十七里南至大河不及一里亦宋置

通湟砦

在廢樂州東三十五里宋志舊名羅吼抹通城元符二年收復三年改置通湟砦其東四里接蘭州境之通川砦又有寧洸砦在通湟砦西四十五里亦元符中置○安隴砦在廢樂州南四十五里本名隴朱黑城宋元符中置砦宋志砦東三十里為赤沙嶺南三十五里為鞏藏嶺西二十五里為麻宗山又有德固砦在廢樂州西北九十里番名勝鐸谷宋崇寧中修築賜名德固砦砦

南一里為渴驢嶺北二十里為清江山又西三十里餘里即龍支城矣又臨宗砦在廢樂州北七十里亦宋崇寧中置宋志砦南十五里即乳洛河砦東十五里為三諾鞏哥嶺又有南宗堡在通湟砦北又東有峽口堡宋志崇寧二年王厚收復置堡于此

若厚塢

在衛北晉義熙九年沮渠蒙遜敗南涼王禿髮儁于若厚塢又敗之於若涼遂進圍樂都若涼蓋亦塢名也○羅亭在衛西南後漢延熹二年西羌燒當燒何當煎等入種羌叛寇隴西金城塞護羌校尉段熲出湟谷擊破之追至羅亭東觀記至積石山即與羅亭相近

盤彝戍

在衛西南宋元嘉五年河西王蒙遜伐秦至克之是也○大毋橋亦在衛西南宋元嘉二十一年魏主熹遣拓跋伏羅擊吐谷渾至樂都引兵從問道襲之至大毋橋吐谷渾王慕利延大驚逃奔白蘭即此

碾伯所

在西寧鎮北百二十里舊湟水縣地明置碾伯所禦千戶所志云西寧衛在湟水南碾伯所在

湟水北互為形援議者謂莊浪兵宜防碾伯而西寧
游兵宜駐古浪以防岔口鎮羌蓋西寧與莊浪相唇
齒也所城周三里有奇
今亦設碾伯營城守

迭烈孫堡 所南六十里又南至西寧鎮六十里○老
溝堡里道記云西寧東百七十里為老鴉城驛又
有嘉順驛在衛東百三十里又東九十里為水溝
驛蓋皆在所境也

附考

沙州衛 在肅州衛西八里有六里至布政司三千七百
差戎代有其地春秋時謂之瓜州左傳襄十四年晉
范宣子數戎子駒支曰秦人迫逐乃祖吾離于瓜州
又昭九年周詹桓伯曰允姓之奸居于瓜州是也秦
及漢初為月支匈奴地武帝逐匈奴屬酒泉郡後元
年分置敦煌郡後漢西域副校尉居敦煌魏晉時仍
為敦煌郡十六國春秋晉咸康元年張駿分敦煌等

郡為沙州永和十年張祚置商州仍治敦煌郡西涼
李暠都於此北涼得其地亦置沙州後魏改為瓜州
並治敦煌郡後周因之隋初郡廢仍曰瓜州煬帝復
改州為敦煌郡唐武德二年改曰沙州五年又改為
西沙州貞觀七年復曰沙州天寶初曰敦煌郡乾元
初復故後沒于吐蕃大中三年張儀潮以州歸朝置
歸義軍授之其後曹義金曹元德等相繼有其地終
五代之季瓜沙二州皆附于中國宋初亦屬焉祥
符六年沙州曹賢順入貢授歸義節度使尋亦附于
契丹天禧三年契丹冊賢順為敦煌郡王景祐初沒
于西夏元初置沙州尋為沙州路明洪武二十四年
元裔阿魯哥失里遣使朝貢承樂三年置衛以授其
首領因即來宣德七年上言諸部侵掠願徙居察罕
舊城不許正統十一年其首領喃哥以困于瓦剌率
部屬來歸因徙
置內地衛廢

敦煌廢縣 今衛治漢縣為敦煌郡治趙充國謂自敦

者狐入其中首尾不出又漢有步廣侯官為中郎

都尉治魏晉仍為敦煌縣後為前後涼及西涼所
 據宋永初元年沮渠蒙遜圖李歆於敦煌築堤壅
 水以灌其城遂克之魏亦為瓜州治宋元徽二
 年柔然寇魏敦煌尚書奏敦煌僻遠介居南北強
 歲之間恐不能自固請內徙就涼州韓秀以為敦
 煌隔關西北二番使不得相通今徙就涼州不惟
 有盛國之名且姑臧去敦煌千有餘里防邏甚難
 二番必有交通窺關之志若騷動涼州則關中不
 得安枕矣乃止後周改縣為鳴沙縣隋大業中復
 曰敦煌隋書大業二年裴矩造西域地圖從西傾
 以去縱橫所巨將二萬里發自敦煌至于西海凡
 為二道北道從伊吾中道從高昌南道從鄯善總
 湊敦煌是也唐亦為沙州治兼置豆盧軍於城內
 其後沒于吐蕃大中以後迄于末世羈屬而已西
 夏仍為沙州治元初置
 沙州以敦煌縣并入
壽昌城 在衛西百五十里漢龍勒縣地後魏置壽昌
 縣屬敦煌郡西魏時亦曰壽昌縣後周省○
 平康廢縣在衛西南又有東鄉等縣
 五代志俱後魏置後周并人敦煌

效穀城 在衛東北漢縣屬敦煌郡桑欽曰本魚澤障
 也漢武元豐六年濟南崔不意為漁澤尉教
 民力田以勤效得穀因立為縣魏晉因之隆安中

北涼李暠為效穀令為眾所推據有敦煌是也西
 魏時常置效穀郡後周并入敦煌縣○淵泉城在
 衛東北漢縣屬敦煌郡關駟曰地多泉水故以為
 名後漢及晉
 因之後周廢

龍勒城 在沙州西漢縣屬敦煌郡後漢因之漢志注
 縣有玉門關及陽關郡都尉治焉晉仍屬敦

煌郡前後涼皆因之後魏亦曰龍勒縣後周并人
 敦煌縣○陽關城在故龍勒縣西晉析置陽關縣
 因故陽關為名屬敦煌郡後魏廢又昌蒲城亦在
 衛西晉置昌蒲縣屬敦煌郡後廢按昌蒲應作蒲
 昌以蒲昌
 海名也

瓜州城 在衛東二百八十里東至肅州衛五百二十六
 里漢敦煌郡地魏晉因之晉惠帝元康五年

分置晉昌郡西涼時又為會稽常樂二郡地西魏
 亦置晉昌郡隋初郡廢屬瓜州大業初屬敦煌郡
 讀史方輿卷六十四 陝西十三 重文

唐武德五年置瓜州治晉昌縣天寶初曰晉昌郡
 乾元初復故後沒于吐蕃大中間復內附宋沒于
 西夏元徙瓜州民于肅州其城遂廢○晉昌廢縣
 唐瓜州治也本漢敦煌郡莫安縣地隋為常樂縣
 地唐武德四年改置晉昌縣於此尋為州治至
 德以後沒于吐蕃宋時西夏亦置晉昌縣元廢
常樂城 在廢瓜州西北百里有南藉端水出南羌中西北
 入寘安澤溉民田後漢亦為寘安縣晉因之仍屬
 敦煌郡志俱作宜安悞也西涼于此置常樂郡後
 魏因之後周并涼興廣至寘安淵泉四縣為涼興
 縣仍為常樂郡治隋開皇初郡廢因改縣為常樂
 唐武德四年改置晉昌縣五年又于漢廣至縣地
 改置常樂縣屬瓜州開元十五年吐蕃陷瓜州悉
 拒却之後沒于吐蕃
廣至城 在廢瓜州西北漢縣屬敦煌郡後漢及魏晉
 因之西涼置廣至郡于此後魏郡廢縣仍屬
 敦煌郡後周省縣入涼興通典唐改置常樂縣在
 故廣至縣西○涼興城在廢瓜州西北百七十里漢

寘安縣地前涼析置涼興縣屬敦煌郡晉太元十
 二年呂光攻素暉于敦煌自酒泉進攻涼興隆安
 二年北涼段業分敦煌之涼興烏澤及晉昌之宜
 禾為涼興郡宋永初元年沮渠蒙遜滅西涼以索
 禾緒為敦煌太守初元人共招其故太守李恂復入
 敦煌元緒奔涼興後魏亦以涼興郡西魏郡廢仍
 為涼興縣後周又改置
宜禾城 在廢瓜州東北百二十里漢廣至縣有崑崙
 障為宜禾都尉治後漢因之三國魏析置宜
 禾縣屬敦煌郡晉因之惠帝元康五年改置晉昌
 郡通典後魏正光中嘗于宜禾城置會稽郡後周
 廢入會稽縣○伊吾城在廢瓜州北晉置縣屬敦
 煌郡元康中改屬晉昌郡後廢瓜州南百八十里晉
 置新鄉縣屬敦煌郡西涼常置新城郡于此後魏
 郡廢縣仍屬敦煌郡西

大同城 在沙州西南唐景雲中吐蕃所置開元十七
 年瓜州刺史張守珪等擊吐蕃大同軍大破
讀史方輿 卷六十四 陝西十三 孟文

之是也又墨離軍杜氏曰在瓜州西北千里本月
氏地唐置墨離軍屬河西節度天寶五載王忠嗣
討吐蕃于墨離軍獲其全部而還又豹門城在廢
瓜州北四百五十里唐置豹門守提于此後俱沒
于吐蕃

苦峪城

在廢瓜州東東至肅州四百里明正統七年
發戍卒助修苦峪舊城從之成化九年哈密為土
魯番所殘破其酋罕慎窟居苦峪城馬文升曰土
魯番至哈密十數程中經黑風川哈密至苦峪又
數程皆絕水草貢使往返必馱水然後行也正德
以後土魯番益張苦峪諸城皆為所殘破

鳴沙山

在沙州城南七里一名沙角山又名神沙山
峯巒險峻天氣晴明沙鳴聞于城內其沙或
隨人足而墮經宿輒還山上高居誨云瓜州南十
里有鳴沙山冬夏殷殷有聲如雷即禹貢之流沙
又東南十里即三危山云○羊膊山志云在沙
州南多巖石無草木山北有一巖似羊膊因名

三危山

沙州東南二十里其山三峯峻絕舜竄苗于
年魏王燾遣軍擊吐谷渾別將杜豐引軍追擊度
三危至雪山擒慕利延兄子被囊等即此孔氏曰
涼武昭王下三危山東置長樂鎮

龍勒山

在漢龍勒縣南百六十五里縣以
此名一統志在廢沙州東百二十里山有元
泉漢李廣利伐大宛遷至此山眾渴甚廣利引刀
刺山有泉湧出即此○此塞山志云在沙州西漢
武帝時天馬朝發京師夕至此塞山下謂此又觀
音山在沙州西宏治中土魯番嘗聚掠于此

白龍堆

在壽昌廢縣西漢志注敦煌正西關外有白
龍堆在壽昌廢縣西漢志注敦煌正西關外有白
出五船堆沙西域傳元始中車師後王國有新道
開以省道里半避白龍堆之險不果班固曰近有
龍堆遠則葱嶺始天地所

流沙

在衛西舊志自玉門出度流沙西行至鄯善北
以界別區域絕外內也

有流沙數百里夏日有熱風為行旅之患風所至
 唯老駝預知之即噴而聚立埋口鼻十沙中人以
 為候亦即將攙擁蔽鼻口其風迅駛斯須過盡若
 不防者必至危斃桑欽云流沙在張掖居延西北
 杜佑曰在敦煌郡西八十里志云玉關外有二斷
 石極大世謂之三隴山乃流沙磧也晉太元八年
 苻秦遣呂光伐西域行越流沙三百餘里焉耆諸
 國皆降宋元嘉十三年魏主燾遣使者王恩生使
 西域渡流沙為柔然所獲遂不能達其後遣使者
 詣西域常詔河西王牧犍發導護送出流沙十八
 年沮渠無諱據敦煌畏魏兵之逼謀西度流沙遣
 其弟安周擊鄯善既而無諱西就安周士卒經流
 沙渴死者大半二十二年魏主燾遣將萬度歸伐
 鄯善至敦煌以輕騎度流沙襲鄯善下之蓋道出
 西域流沙為險道也

蒲昌海

在王門陽關以西三百里一名鹽澤廣袤三
 四百里則葱嶺于闐兩河之所注漢太初中
 自敦煌西至鹽澤往起亭鄯漢張騫言于闐之
 西水皆西流注西海其東水東流注鹽澤西域傳

鹽澤一名蒲昌海其水亭居冬夏不增減括地志
 在沙州西南唐志蒲昌海在蒲昌海東是也亦謂
 之蒲類海後漢初平初北匈奴呼衍王寇伊吾敦
 煌太守馬達赴救至蒲類海寇引去謂此

龍勒水

在廢龍勒縣出南羌中東北流匯為大澤概
 境有滄注水漢元鼎四年天馬生渥洼水中即此
 水也○蒲奴水在塞北龍勒水南漢武遣商邱成
 出西河擊匈奴匈奴追至

玉門關

在故壽昌縣西北漢志注龍勒縣有玉門關
 故鄯尉治輿地廣記關在壽昌縣西北百八
 十里漢武使霍去病破走月氏開玉門關通西域

太初初李廣利伐宛不克使遮玉門曰軍有敢
 入者輒斬之又遣軍正任文屯玉門關是也後漢
 建武中閉玉門關謝西域之質後西域傳自敦煌
 西出玉門關涉鄯善北通伊吾千餘里班超在
 西域上書願生人玉門關隋大業四年遣將薛世

雄等出玉門擊伊吾七年遣裴矩西至玉門

陽關

在故壽昌縣西漢志注都尉治也杜佑曰陽關在玉門之南高居誦使于闐

昌縣西六里為西域之要隘

崑崙塞

即漢廣至縣之崑崙障為宜禾都尉治後漢永平十七年竇固等出敦煌崑崙塞擊西域

破白山寇于蒲類海上又延光二年張璠議以酒

泉屬國吏士二千餘人集崑崙塞先擊北匈奴呼

衍王後漢志注崑崙障也白山見赤斤蒙

古衛蒲類見西域火州○土子莊在沙州東正德

十年土魯番絲此內犯志云瓜

赤斤蒙古衛

東至肅州界四百三十里西至沙州界百

匈奴所據漢武逐匈奴此為酒泉敦煌二郡地晉屬

晉昌郡隋初屬瓜州大業中屬敦煌郡唐初亦屬瓜

州廣德後沒于吐蕃宋為西夏所據元為瓜州地屬

沙州路明永樂二年故韃靼丞相苦木子塔力尼等

率所部來歸詔建赤斤蒙古千戶所以塔力尼為千戶尋升為衛自是朝貢不絕

白山 在衛北二十里多草木禽獸土人呼為析羅漫山

罕東衛

在故沙州東南亦西戎部落明洪武二十五年

年其長鎖南吉刺思遣使入貢立罕東衛授之成化

中罕東衛奄章與諸族讐殺逃居沙州朝廷許其耕

牧輪貢子曰班麻思結孫曰只克時諸部皆為土魯

番所困正統四年只克以沙州衛既廢請立罕東左

衛治其地從之遂以只克領衛事宏治八年上魯番

復畧沙州自是土魯番入寇每假道罕東令給食而

亦不刺安定又數掠其資罕東益微嘉靖初其長日

羔刺率部屬來歸邊臣分處其眾于肅州塞內罕東

阿真川 在衛西南明初藍玉討叛部

畢力朮 在衛西宣德九年罕東別部劄兒加邀劫

讀史方輿 卷六十四 陝西十三 毛 文二司

紀要

百騎往覘敵行月餘渡畢力木江割兒加懼詣賢
自歸詔宥之志云江與安定曲先等衛接界或譏

為必出江

安定

在罕東衛西沙州衛南本蒙古別部其地廣袤

安定王卜烟帳木兒遣使入貢命其部長立為四部
日阿端曰阿真曰若先曰帖里明年改立安定阿端

二衛承樂二年安定王為曲先所殺部落潰散十一
年其孫亦攀丹來朝後故封歸安定成化中為土魯

番所殘破苗裔散失安治初其長干奔請嗣許之正
命部長領其眾然安定王據其地餘眾內徙嘉靖間復

無傳而阿端久沒莫知其處

娒羌城

在衛西北漢書西域傳娒羌國王號去胡來

在西南不當孔道西北至鄯善乃當道云元始二
年去胡來王唐兜與赤水羌相寇不勝亡降匈奴

遂為匈奴所并

必出江

在安定衛東明永樂二十二年中使高來喜
使西域行至必出江死於賊甘肅都指揮朱

英率兵擊安定斬獲甚眾
安定王詣闕謝宥歸即此

曲先

在安定衛西古戎部落宋淳祐三年蒙古主
使忽必烈將兵擊大理自曲先腦兒而南即此

尋置曲先答林元帥府明洪武四年置曲先衛授其
長散西思後為朵兒只把所攻并入安定居阿真地

永樂四年指揮哈三散即思三郎等表言西番侵暴
乞仍立衛徙治藥王灘報可以三郎領衛事并徙安

定衛所下昔兒汀宣德以後屢入朝貢成化中
為土魯番所擾請率部屬內徙從之涂失故地

且末國

在衛西南漢西域傳鄯善西通且末七百一
十九年沮渠無諱奪鄯善王比龍奔且末北

史且末在鄯善西去代八千三百二十里隋大業
五年初平吐谷渾于古且末城置且末郡統肅寧

伏戎二縣新唐書自于闐東關東行入大流沙行
千里至故折摩馱那古且末也又千里至故納縛

波古樓蘭也○小宛國在且末國南西域傳治打
讀史方輿卷六十四陝西十三

零城東與姚羌接辭南不當道

崑崙山

此在衛東北或云肅州衛境有崑崙山綿延至

年部長三郎思及安定部劫殺中使洪熙元年命朱英討破安定追踰崑崙西數百里至淮合澗地曲先遠遁即此

西番江

在衛西明宣德四年指揮那那漢表言為安定部遣還所掠仍論居

西番江者使復業是也

且末河

在衛西隋志且末都督有且末水薩毗澤唐志度且末河五百里至橋堡鎮古且末城也

讀史方輿紀要卷六十四終

讀史方輿紀要卷六十五

陝西十四考

哈密衛

在肅州衛西北一千五百里至京師七千四

地通典伊吾在敦煌北大磧外自昔為域外地不在

九州之限後漢明帝始取其地為屯田鎮戍之所未

置郡縣後魏始置伊吾郡後又為外域所據唐貞觀

四年丙附置西伊州六年改為伊州天寶初曰伊吾

郡五代時號胡盧積小月氏遺種居之宋時土人陳

氏據其地元族屬忽納失里封威武王居此尋改封

蕭王卒弟安克帖木兒嗣明永樂元年遣使人貢明

年設哈密衛改封安克帖木兒為忠順王其部落有

回同畏兀兒哈喇灰三種皆領以都督統於王哈密

讀史方輿

卷六十五

陝西十四

攻之勇

兒為忠義王宣德元年卒以脫脫子卜答失里嗣王
 仍稱忠順以幼故仍立忠義王子脫歡帖木兒為忠
 義王共守其國正統四年忠順王卒子哈力速魯壇
 嗣別名倒瓦答失里無何刺於中國天順元年卒弟卜
 去哈密自是畏兀刺稍貳於溫答失里署國事詔以
 列革嗣八年卒世絕王母孫把塔木兒為右都督守
 故忠義王脫歡帖木兒外孫把塔木兒為右都督守
 哈密死子罕慎嗣成化九年土魯番強控弦可五萬
 其長速壇阿力尤勇點速壇華言王也攻破哈密執
 王母去罕慎竄若塔城詔都督同知李文討之至則
 調赤斤罕東兵數千駐若塔旋罷還阿力益橫十四
 年阿力死子阿黑麻嗣十八年罕慎入哈密宏治元
 年阿黑麻嗣十八年罕慎人哈密宏治元年阿黑麻
 亦州許殺罕慎請代領西域不許求忠順近屬安定
 王裔孫陝巴為嗣四年十魯番以哈密來歸明年封
 陝巴為忠順王入哈密又以頭目奄克克木刺阿木
 郎輔之阿黑麻復乘間攻殺阿木郎執陝巴去詔以
 部長寫亦虎德為都督轄二種部落奄克克木刺為
 之長如罕慎故事阿黑麻遂稱可汗畧罕東諸衛聲
 言攻肅州蹂甘州七年閉嘉峪關絕西域貢令怨阿

黑麻時阿黑麻已西還留四百騎據哈密八年肅州
 撫養指揮揚翥言罕東有徑路達哈密不旬日至襲
 之必克宜以罕東為先鋒我兵繼之樞臣馬文升以
 為然於是撫臣許進奉詔使河西別將彭清以三千
 騎往結罕東既而師至肅州達罕東兵不至乃循大
 路行之水草騎不得遲番將牙蘭覘知遁去遂入哈
 密時哈密之人外若兵困甚不能支盡焚其廬舍內
 徙肅州先是奄克克木刺并其人亦寄居赤斤守臣
 并為之請居若塔給牛種耕牧九年土魯番復據哈
 密十年阿黑麻以絕貢失互市窘乞歸陝巴真如舊
 十二年陝巴還哈密阿黑麻尋死子滿速兒嗣十七
 年哈密人逐陝巴以真帖木兒守陝巴卒子拜牙即
 還真帖木兒入居甘州正德元年陝巴卒子拜牙即
 嗣滿速兒逐之使其將火只他丁守其地尋復還哈
 密拜牙即仍守之七年真帖木兒還土魯番八年拜
 牙即棄哈密走降土魯番十年土魯番復歸哈密十
 一年仍奪據之大入為寇逼肅州城下敗去諸將又
 追敗之於瓜州滿速兒復詐請和嘉靖三年人犯甘
 州撫臣陳九疇敗却之又敗之於肅州時哈密已殘
 破餘眾千餘人走入塞守臣撫存之歲給耕種四年

曲先叛入牙木蘭附土魯番土魯番仍據哈密犯肅
 州又入沙州七年牙木蘭來降八年土魯番復犯肅
 州擊走之旋又請歸哈密者所以離兩部之交外領西
 詹事霍誦力言置哈密者所以離兩部之交外領西
 域內蔽邊郡不可失也樞臣胡世寧力主棄之時滿
 迪兒入貢遂以哈密來歸然亦竟不能自也二十五
 年復為土魯番馬黑麻所據哈密諸部亂吉李刺等
 所耕牧河西仍襲故爵蓋邊備不修自楊嘉議襲以
 後數十年中無能以一騎踰關而西者使
 土魯番縱橫坐大殘滅與國為可憤也
 伊吾廢縣今衛治本匈奴中地後漢明帝時取伊吾
 六年寶固破匈奴呼延王於天山雷兵屯伊吾廬
 是也建初二年寶蓋遣副校尉闔擊北匈奴之守
 地永元二年寶蓋遣副校尉闔擊北匈奴之守
 伊吾者復取其地四年中郎將任尚屯伊吾永初
 元年復罷伊吾廬屯田吏士元初六年以西域附
 北匈奴其為邊患敦煌太守曹宗奏遣行長史索
 班復屯伊吾既而為北匈奴及車師後王所攻沒
 永建四年以伊吾膏腴地旁近西域匈奴資之為

專

鈔暴乃復開設屯田置伊吾司馬和平初北匈奴
 呼術王攻伊吾屯城詔敦煌太守馬達將兵救之
 至蒲類海寇引去其後復為匈奴及西域所據晉
 太元十年苻秦將呂光擊西域自龜茲至宜禾
 或以為即伊吾非也時光自龜茲至宜禾始進至
 高昌又進至玉門是宜禾在高昌西所謂宜禾當
 是庭州之伊和谷傳焉耳時楊翰言於涼州刺史
 梁熙伊吾關亦可扼者正謂此蓋其地嘗置關也
 宋景平初沮渠蒙遜所署晉昌太守唐契奔伊吾
 臣子柔然柔然以契為伊吾王元嘉十九年自伊
 吾擁衆西趨高昌柔然追擊殺之魏王濬興光
 二年遣尉眷擊伊吾克其外城大獲而還太和十
 二年柔然伊吾魏議割伊吾地五百里居高昌王馬
 郡之眾既而高昌國亂不果其後為鄯善所據隋
 開皇初遣元暉出伊吾道通使於突厥伊吾世雄引
 可汗大業四年遣薛世雄出使於突厥伊吾世雄引
 軍度磧伊吾大懼請降世雄築城於漢故伊吾城
 東畱守戍之而還五年伊吾吐屯設獻西域地數
 千里因置西海等郡時伊吾屬於突厥吐屯設其

所置以守伊吾者也隋末復為突厥所據唐貞觀
 四年突厥亡伊吾城主人朝舉其屬七城來降因
 置西州六年改曰伊州十二年為高昌及西突
 厥所侵乃發兵擊滅高昌開元中置天山軍於州
 城內屬北庭節度使天寶中改曰伊吾郡乾元初
 復曰伊州其後沒於吐蕃高居誨曰伊吾廬土名
 胡廬積地無水常寒多雪劉昫曰伊吾南去玉門
 關入百里東去陽關二千七百三十里後漢明帝
 取其地置宜禾都尉以屯田竇固班超大破西域
 始築城於此班勇為西域長史居此地也後魏後
 周沒於鄯善國隋大業中內屬置伊吾郡後又為
 外域據唐貞觀中歸化因置西州土良沃人驍
 悍為控扼西番之要地王曰趙珣聚米圖經沙
 州西至伊州四百里杜休亦曰伊吾至敦煌界百
 四十里劉昫謂東至陽關二千七百餘里何歟又
 隋末嘗置伊吾郡宋祁亦踵劉氏之說而不知其
 悞何也今哈密城在平川
 約三四里有東北二門
納職城 在衛西南漢宜禾都尉地也杜佑曰漢伊吾
 故城在此縣界唐貞觀四年置納職縣屬西

伊州劉昫曰木鄯善所築城也唐因置縣於此開
 元中省宋史城在大患鬼魅磧之東南望玉門關
 甚近○柔遠城在衛東劉昫曰貞觀四年置
 取縣東柔遠故城為名神功初省入伊吾縣
刺木城 在衛西哈密舊恃此城為固宏治九年土魯
 番部阿黑麻襲破哈密使其黨撒他兒守刺
 木城哈喇頭目奄克字刺結瓦刺部小秃列襲殺
 之還守哈密是也四裔攷刺木城為哈密要地自
 土魯番入哈密其往來未有不經刺木者卒棄而
 不守安得不至於覆敗乎又有哈刺帖札等城亦
 在衛西馬文升曰哈密
鄯善國城 在衛東南漢西域傳本名樓蘭治并泥城
 北去車師千八百九十里去長安六千一百里西
 他國武帝元封三年欲通西域遣將軍趙破奴擊
 車師先至樓蘭擒其王遂破車師因舉兵威以困
 烏孫大宛之屬於是酒泉列亭障至玉門西域傳
 樓蘭國最在東垂近漢當白龍堆之水草常主發
 導苦漢屢為匈奴反間元鳳四年大將軍霍光遣

傳介子刺殺其王安歸更立尉屠耆為日改國名
 鄯善元康四年使衛司馬鄭吉護鄯善以西南道
 後漢建武二十一年西域鄯善永平十六年班超使
 侍二擊殺其使處也元初末北單于與車師後部
 西域擊殺伊吾屯者擊走車師前王畧有北道班勇
 叛攻沒伊吾屯者擊走車師前王畧有北道班勇
 議遣西疆長史將五百人屯樓蘭西當焉耆龜茲
 徑路南疆鄯善于闐心胆北扞匈奴東近敦煌從
 之延光二年班勇至樓蘭發兵到車師前王庭擊
 匈奴是也元嘉以後漸與中國絕三國魏黃初三
 年後與龜茲于闐俱遣使貢獻魏主不以西域通
 置戊巳校尉尋罷晉咸康初涼州張駿遣兵伐龜
 茲鄯善遂與西域諸國皆朝貢姑臧太元七年鄯
 善王休密馱與車師前部王其朝苻秦請為鄉導
 以伐西域之不服者苻堅因使呂光等將兵伐破
 西域宋元嘉十二年入貢於後魏十九年沮渠無
 諱自敦煌西逼鄯善鄯善王比龍奔且末無諱遂
 據其地十九年無諱西徙高昌其王復還二十二
 年魏主燾以鄯善閉斷魏道使西域不通者數年
 遣將萬度歸擊之萬度歸以輕騎度流沙襲鄯善

伊循城

鄯善王真達降西域復通二十四年魏以其臣韓
 達為鄯善王鎮其地賦役其民比之郡縣魏亂沒
 於吐谷渾隋大業五年取其地置鄯善郡統顯武
 濟遠二縣旋廢唐為納縛波之地屬北庭節度使
 伊循城在鄯善境內漢書元鳳四年改立鄯善王尉
 將屯田積穀合臣得依其威重于是置屯田軍吏
 以鎮撫之元康初馮奉世奉使送大宛諸國客至
 伊循城是也

天山

在衛北百二十里志云哈密北有大山其三面
 皆平曠是也亦謂之伊吾北山後魏王恪永平
 初柔然佗汗可汗與高車戰于伊吾北山會高
 昌王麴嘉求內徙於魏魏將孟威將涼州兵迎之
 至伊吾佗汗驚遁為高車所襲殺是也亦謂之折
 羅漫山隋大業七年西突厥處羅可汗為部長射
 匱所襲敗棄妻子東走寓於高昌東保折羅漫山
 因入朝於隋通典伊州西北至折羅漫山百四十
 六里東北至折羅漫山匈奴至此必下馬拜一名雪
 名折羅漫山匈奴至此必下馬拜一名雪山其南

二里有鹽池

馬駿山

在衛東南相近有望鄉嶺志云嶺上石龕有李陵題字處○柳谷在衛北二百里唐貞觀

中侯君集伐高昌自磧口進至柳谷又進至田城元和八年回鶻發兵度磧南自柳谷西擊吐蕃是也

畏吾兒河

衛東百三十餘里沿河沙柳彌望○合露川在衛東南唐回鶻公主嘗居此城址尚

存相近有湯泉也

甘露川

伊吾軍西北三百里劉昫曰唐景龍四年於此置

畏吾兒河東土人呼為可敦卜刺

右哈密

土魯番

在哈密西八百里至肅州一千八百五十里至京師八千五百里漢車師前王庭地謂之

交河城唐平高昌置交河縣屬西州後沒於吐蕃明初為土魯番城屬火州永樂六年番僧清來率其徒法泉等來朝命清來為國師法泉等為土魯番僧綱司遣歸九年其長古麻刺失里遣使貢十一年萬戶賽因帖木兒遣使貢十三年又貢後遂授其部長為都督都指揮等官宣德五年番僧尹吉兒察等率其孛來朝請置京師從之死子卜烟川嗣正統天順間皆恭順成化初阿力始強自稱速檀速檀華言王也累引兵劫掠哈密諸部地幾盡九年入哈密據其城阿力死子阿黑麻嗣死子滿速兒嗣相繼擾哈密種沙州遣使求貢并求給子馬黑麻復據哈密耕種沙州遣使求貢并求給地以居不許嘉靖二十六年馬黑麻赴關納款土魯番使者阿克力等八百餘人因而叩關總兵仇鸞巡撫傅鳳翔盡延入關居之甘州故事土魯番五年一貢貢使半留肅州半留甘州至是貢不如期且請毋析居鳳翔等依回許可嘉靖末沙速檀潛掠北鄙中流矢死弟馬速嗣隆慶中死馬黑麻嗣其弟墳非速檀虎來失速檀阿卜撒亦並遣使求貢議者以一姓四使非禮合各附一使於馬黑

麻使中以示羈縻詔可自是朝貢不絕夫土魯番小番別部地不過當中國之一縣而坐視其狹狹自嘉峪以西盡為殘破論者至謂阿力以來皆挾哈密以邀利至隆慶後不復言哈密而土魯番亦輯然則持危繼絕之道可以不講也弱肉強食羈縻諸國何恃以無恐哉四裔考土魯番一名土爾番本交河縣之安樂城城方三里地平四面皆山氣候多暎其西二十里有崖兒城城僅二里相傳此為故交河縣治

交河廢縣

即今土魯番城漢書西域傳車師前王治交河城去長安八千一百里漢紀漢出西

域有兩道南道從樓蘭北道從車師二國當漢使孔道攻劫漢使尤甚征和三年遣馬通等擊匈奴於天山恐車師遮漢軍使別將成婉將樓蘭尉犁危須等六國兵圍車師盡得其王及民眾而還其北有石城地節三年車師叛漢時鄭吉等田渠犁攻車師破交河城其王走石城復攻破之車師降既而車師王畏匈奴奔烏孫匈奴立其昆弟兜莫為王收餘民東徙不敢居故地鄭吉等因發吏卒

往田車師以實之元康二年匈奴以車師地肥美近匈奴數遣兵擊田者鄭吉等自渠犁馳救為所圍上言車師去渠犁千餘里兵少不能相救詔常惠將張掖酒泉騎逐吉等還渠犁而召車師故太子軍宿於焉者立為王盡徙國民令居渠犁以車師故地與匈奴神爵二年匈奴屯田車師復居其地後漢建武二十一年遣子入侍承平十七年竇固等擊破白山賊于蒲類海上遂進擊車師車師前王後王之子也其庭相去五百餘里固以後王道遠山谷深士卒寒苦欲攻前王耿秉以先赴後王并力根本則前王自服遂引兵北入後王震怖迎降前王亦歸命遂定車師十八年車師復叛建初元年酒泉太守彭等會兵柳中擊車師交河城破之承元二年寶憲遣兵復取伊吾廬地車師震警于是前王各遣子入侍元初末北匈奴率車師擊後王擊走前王以其屬於漢也延光二年班勇擊匈奴於前王庭破走之其後漸與中國絕晉太元七年車師前王彌寘朝於苻秦後魏太延初入朝于魏魏壽以大帥車伊洛為前

部王真君九年與魏軍其擊焉者留其子歇守城
十一年沮渠安周自高昌襲克其城歇走就伊洛
共保焉者自是車師屬於高昌唐貞觀十四
年平高昌置交河縣屬西州後沒於土蕃

蒲昌城

在土魯番西高昌所置姑昌城也唐貞觀中
置縣於此屬西州其東南有蒲類海因名○

天山城在土魯番西有天山軍杜佑曰唐置於西州
以近天山兩名又有天山軍杜佑曰唐置於西州
城內宋白曰西州西南有南平安昌兩城又百二
十里至天山軍唐貞觀十二年西州刺史郭孝恪
以西突厥寇伊州自烏骨邀擊敗之西突厥復圖
天山孝恪擊走之乘勝進拔其處月部城追奔至
邊索山降處密之眾而歸烏骨部亦屬西州過索
山在天山西北宋白所云天山軍當即天山縣杜
說也

天山

在土魯番西北三百餘里亘天山蒲澤兩縣界
交河水源出於此亦名祁連山亦謂之白山西
河舊事白山冬夏有雪匈奴謂之天山漢天漢二
年遣李廣利出酒泉擊匈奴右賢王於天山征和

二年遣馬通分道出酒泉至天山後漢永平十五
年議伐北匈奴取乘請先擊白山得伊吾破車師
通使烏孫諸國以斷匈奴右臂明年遣竇固等分
道出酒泉塞破匈奴呼衍王於天山追至蒲類海
畱吏土屯伊吾廬城明年復出玉門擊西域遂破
北山降車師唐龍朔二年薛仁貴破鐵勒之眾於
此所云將軍三箭定天山者在伊吾北去蒲類海百
里山與哈密相接唐志天山在伊吾北去蒲類海百

靈山

在土魯番西百里山穹窿綿亘石皆黑紋如毛
髮又有白石堆如聚骨然土人言十萬羅漢削
積雪此山之北舊為鐵勒界或作貪于今亦見

山西塞外又赤石山在貪汗山西

高梧谷

在土魯番西北晉太元十年呂光自西域還
高昌太守楊翰言於涼州刺史梁熙曰高梧
谷口險阻之要宜先守之而奪其水可以坐制或
曰高梧交河之譌也○柳谷在土魯番北二百三

十里自磧而南為往來要

交河 在土魯番西二十里源出天山河水交流

蒲澤海 在土魯番西南一名婆悉海周四百里蒲昌

漢永和六年實固等破匈奴呼延王於天山進至

蒲類海 永元七年復出窟崙塞擊西域破白山戎於

戰於蒲類海又後魏承平初高車王彌俄突與柔然

擊柔然殺其可汗作汗於蒲類海北是也

火州 在哈密西七百里至肅州一千七百五十里至

接瓦刺漢車師前庭之地也元帝初元元年始

置戍已校尉屯田車師故地相傳武帝時與師西

討車中羸德者畱居此故曰車師又馳突出高昌

各高昌壁始元二年車師後王姑句馳突出高昌

壁降匈奴亦名高昌壘壘有八城其人皆中國苗

裔後漢時仍為車師地其後與中國絕晉建興中

河西張氏有其地張駿置高昌郡於此苻秦因之

後涼呂光以其子覆統玉門以西諸軍事西域都

護鎮高昌其後西涼北涼相繼有其地宋元嘉十

六年北涼亡涼州人闕爽據高昌自稱太守十九

年沮渠無諱襲據高昌奉表降宋宋封為河西王

大明四年柔然攻沮渠安國於高昌滅之立闕伯

周為高昌王高昌稱王自此始久之伯周卒子義

成立齊建元三年其族兄首歸殺義成自立為高

昌王高昌豪阿至羅復殺首歸兄弟推敦煌張明

方輿 卷六十五 陝西十四 九

人曰唐去我七千里沙磧居其二千九里地無水草

安能致大軍及兵臨磧口憂懼而卒十四年平高
 昌得其二十二城地東西八百里南北五百里以
 其地為西州尋置安西都護府顯慶三年移安西
 都護府於龜茲以舊安西復為西州都督府鎮高
 昌故地開元中改為金山都護府天寶初曰交河
 郡乾元初復曰西州貞元六年時北庭安西俱陷
 吐蕃惟西州猶為唐守久之乃陷咸通七年來歸
 尋復為番戎所據宋建隆三年西州入貢太平興
 國中遣王延德使高昌雍熙初還景德初又遣使
 來貢後又號畏吾兒國嘉定二年降於蒙古蒙古
 置達魯花赤監治之明初改曰火州永樂七年入
 貢宣德五年復遣使入貢自是入貢不絕成化以
 後上魯番強而火州之後無聞

高昌廢縣

今火州城也本名田地城輿地志晉咸和
 二年張氏置高昌郡立田地縣李延壽曰
 高昌國有四十鎮田地城其一也麴嘉王高昌
 置田地太守其地即漢戊巳校尉所治亦曰田城
 唐侯君集伐高昌自柳谷進至田城拔之趨其都
 城寺改置高昌縣為西州治後沒於吐蕃咸通中

柳中城

復得其地改曰前庭以其地本故事師前王庭也
 後復荒棄通典高昌城東至伊州七百五十里西
 至焉耆七百十里北至北庭都護府四百十里
 里東南至沙州千里北至庭都護府四百十里

柳中城在火州城東七十里相傳後漢時所築明帝
 永元三年復置安帝永初元年是罷戊巳校尉和帝
 彭等兵會柳中匈奴遁去自是罷戊巳校尉和帝
 煌太守張璠以北部專制西域寇鈔河西議遣軍
 司馬出據柳中以備之因使班勇為西域長史屯
 田柳中明年勇發龜茲兵到車師前庭擊走匈奴
 奴還屯柳中是也其後荒棄晉亂屬於前後涼後
 魏末為高昌所據唐平高昌置柳中縣屬西州後
 沒於吐蕃胡氏曰柳中在車師前庭最為膏腴宜桑
 麻五穀故漢常與匈奴爭車師伊吾以制西域唐
 復因舊城置縣自宋以後為柳陳城萬戶瓦赤刺
 兒地明屬於火州宣德五年柳陳城萬戶瓦赤刺
 與火州王哈撒俱遣使人貢自
 是人貢不絕後亦并於土魯番

紀要

白棘城

在高昌東亦漢時屯戍處後魏太和二十八年

之安保至伊吾不進儒遣其子義舒迺安保至白

棘城去高昌百六十里高昌舊人不樂東徙殺儒

而立其右長史麴嘉為王云○橫截城在高昌西

南宋元嘉十九年北涼亡沮渠無諱西據鄯善其

弟安周屯橫截城會西涼故將唐忠之弟和自伊

吾奔車師前部因襲攻橫截城拔之及拔高寧白

力二城遣使請降於魏尋復為無諱所敗白力一

作白刃李氏曰高寧白刃橫截等城即高昌四十

六鎮中諸城也

庭州城

在火州北四百十里通典云東至伊州界六

其地在流沙之西北前漢烏孫之舊壤後漢為車

師後王庭歷代皆外域所據貞觀十四年平高昌

二十年西突厥以其地來降因置庭州長安二年

改為北庭都護府開元九年兼置北庭節度使又

置瀚海軍於州城內上元以後吐蕃侵擾河西隴

右多為所據而安西北庭猶為唐守興元初發吐

蕃討朱泚許功成酌以伊西北庭之地吐蕃至那

州陰持兩端尋會渾瑊軍破武功大掠而去駕還

長安吐蕃以前約求地上欲與之李泌曰安西北

庭控制西域五十七國及十姓突厥又分吐蕃之

勢使不得并力東侵奈何拱手與之且兩鎮之人

勢孤地遠為國家守邊二十年一且棄之以與他

人彼必深怨中國他日從吐蕃入寇如報私讐矣

吐蕃本無功何前約之有乃止貞元六年陷於吐

蕃咸通七年復歸唐尋復荒棄其地多回紇雜居

亦曰回鶻宋建隆間遣使來貢元亦為畏吾兒地

元史自上都西北六千里至回鶻五城即唐北庭

都護也又西北四五百里至阿力麻里至元五年

諸王海都叛舉兵南來世祖逆敗之於北庭追至

阿力麻里海都遠遁明屬火州後亦并於土魯番

○金蒲城故庭州治後漢車師後王部所置城也

西域傳自敦煌兩出玉門關涉鄯善北通伊吾

千餘里自伊吾北通車師前部高昌壁千二百里

自高昌通後部金蒲城五百里此西域之門戶故

戊巳校尉更互屯焉范曄曰後漢永平十一年竇

部金蒲城又以關寵為已校尉屯前王部柳中城是也又十八年匈奴破殺車師後王攻耿恭於金蒲城恭拒却之其後叛附不一延光四年班勇擊後部王軍就破斬之永建初勇改立其故王子加特奴為王於是車師前後王也劉昫曰故庭有五城東且彌渠犁車師前後王也俗號五城之地唐貞觀二十年置金蒲縣為庭州治後沒於吐蕃

浮圖城在廢庭州東南亦曰可汗浮圖城舊曰務塗務塗曰浮圖唐貞觀十四年侯君集伐高昌西突厥遣其葉護阿史那賀魯屯兵於浮圖城與高昌相影嚮及高昌平西突厥懼二十年率眾內附乃置庭州於浮圖城置蒲類縣屬西州後改屬庭州貞元中陷於吐蕃咸通七年內屬改曰後庭縣尋復荒棄五代志自交河城至可汗浮圖城三百七十里○疏勒城在廢庭州南後漢永平十七年耿恭以疏勒城傍有澗水可固因自金蒲城引兵據之未幾匈奴來攻擁絕澗水恭于城中穿井得泉竟不能陷十八年車師復叛與匈奴共攻耿恭於

疏勒城不能下建初元年恭軍吏范羌自前部交河城從山北至疏勒迎恭還即此城也胡氏曰疏勒國去西域長史所居五千里後部去長史所居五百里此車師後部之疏勒城也又金嶺城在浮圖城西唐志西州交河縣北行八十里入谷又百三十里經柳谷度金沙嶺又百六十里至庭州唐永徽二年西突厥賀魯寇庭州攻陷金嶺城及蒲類縣即此

蒲類城在庭州東南唐貞觀中置縣屬西州尋屬庭州後又改為後庭縣永徽二年西突厥沙鉢羅陷蒲類縣即此

輪臺城在廢庭州西北百三十里漢西域小國也大而西平行至死又輪臺渠犁皆有漢田卒武帝輪臺之悔謂輪臺西於車師千餘里是也唐因置輪臺縣屬庭州後沒於吐蕃咸通七年北庭回鶻僕固俊收西州又取輪臺城歸唐後荒棄○廢金滿

州在故輪臺城西唐永徽三年梁建方等大破處月朱邪孤注於牢山擒之五年以處月部置金滿

州屬北庭都護府尋廢胡氏曰其地與輪臺相近也

莫賀城在廢庭州西五百餘里志云庭州西有西延

阿史那賀魯居多羅斯水南至西州千五百里貞觀

後改爲沙鉢城守捉以賀魯叛

兜訾城在廢庭州境漢地節三年鄭吉擊破車師兜

七百里有清海鎮咸通七年歸義節度使張

渠犁城在廢庭州西南與輪臺東漢西域傳渠犁國東

去龜茲五百八十里武帝通西域置校尉屯田渠

犁太初中以伐宛不克則烏孫輪臺易苦漢使爲

外國笑乃益兵伐宛大宛破後西域震懾輪臺渠

渠犁皆有田卒征和中桑宏羊言故輪臺以東捷枝

溫和田美可益通灌渠種五穀與中國同時熟水

經注邈茲川東南流迺輪臺之東武帝以輪臺西

於車師于餘里罷之昭帝天鳳四年復田輪臺輪

臺與渠犁地皆相連也宣帝地節二年鄭吉等田

渠犁發兵擊車師破交河城既又攻車師王於石

城軍師降吉田車師匈奴來攻吉上言車師去渠

犁千餘里間以河山北近匈奴漢兵在渠犁者勢

不能相救願益田卒朝議罷車師田者盡徙車師

國民居渠犁以車師故地與匈奴元帝時始復置

戊巳校尉屯田車師故地與匈奴元帝時始復置

臺渠犁今皆在交河北庭界內

烏壘城在渠犁北三百三十里漢神爵三年始置西

讀史方輿

卷六十五

陝西十四

三

文之司

可敦城在廢庭州東北宋宣和六年耶律大石自雲

中夾山西走至可敦城駐於北庭都護府會

也日逐匈奴王號

國都護之設自吉始

奴益弱不敢爭西域吉督察烏孫康居等三十六

焉鄭吉傳吉破車師降日逐威震西域遂并護治

師以西北道于是中西域而立幕府治烏壘城匈奴

渠犁田官相近土地肥饒於西域爲中故都護治

烏壘城在渠犁北三百三十里漢神爵三年始置西

西鄙七州十八部諭以興復又假道回鶻西行萬里至尋思于敗西域諸國兵回回國王來降又西行至起兒漫稱帝靖康二年大石引兵東還行二日得善地遂都之號虎思幹耳朶遣軍東征無所得而還尋思干以下皆在庭州西南○曷董城亦在廢庭州東北金人聞耶律大石在和州之域恐與夏人合遣使索之復國報以不知大石所在粘沒喝使人耶律俞賁攻之於漠北曷董城和州遼東去雲中二千餘里

東西且彌國 在火州西北漢西域傳東且彌國治天谷後漢永建初班勇更立東且彌種人為王是也又北魏主熹時東且彌國常入貢又有卑陸國治天山東乾當谷劫國治天山東丹渠谷狐胡國治車師柳谷皆漢西域小國也○卑陸後國在廢庭州西北漢西域傳蒲類國治天山西與切國南與車師接又東為郁立師國治內咄谷又有烏貪訾離國在東西二且彌國之北治於婁谷其東又有單桓國與烏孫接西域傳卑陸蒲類東且

彌移支車師前後王是為車師六國

小蒲類國

在廢庭州西漢西域傳蒲類國治天山西護鄭吉攻車師石城車師恐擊匈奴邊國小蒲類王

茲力支降都護分車師後王西烏貪訾離地處之是也又車師旁有小金附國常隨漢軍後盜車師地節三年車師王自請擊破之匈奴

滑國

在廢庭州西北本車師別種後漢永建元年入侯梁天監中滑國遣使入貢又白題國與滑國相近梁武帝時西北遠邊有白題滑國遣使絲岷山

道入貢胡氏曰白題番名漢頽陰侯斬胡白題將一人是其種也

火燄山

在柳陳城東連巨火州宋史北庭北山中出若炬火照見禽鼠皆赤或即此山也○丁谷

金山

金山在庭州東南西北此西域之金山也山形如兜鍪俗謂兜鍪為突厥突厥之先興於金山之陽蓋以山形為號亦謂之金沙嶺一名金嶺隋開皇五年突厥西阿波度強東附都斤西越金嘗置城為戍守處曰金嶺城永徽二年西突厥寇庭州陷金嶺城顯慶二年蘇定方討西突厥至金山北先擊破其處木昆部是也開元中西突厥別金山都督府亦以山名又謂之金娑山西突厥別部處月種居金娑山之陽蒲類海之東有大磧名沙陀因自號沙陀開元中沙陀金山人貢即李克用之先也貞元五年時沙陀六十餘帳與北庭相依附於回鶻既而苦回鶻侵掠六年朱邪盡忠降於吐蕃元和三年復避吐蕃之逼自金山轉戰而東詣靈州歸朝唐書自交河縣北行八十里入谷又百三十里經柳谷度金沙嶺又百六十里至庭州宋史歷交河西凡六日至金嶺口又兩日至漢家寨又五日上金嶺過嶺即多雨雪亦曰小雪山胡氏曰漢書稱西域南北有大山西北山即柳谷金沙嶺諸山矣都斤今見山西北塞外

牢山

在廢庭州北新唐書牢山亦曰賭蒲東北距烏頭健山度馬行十五日永徽三年梁建方等大破西突厥處月部於牢山是也

伊和谷

在廢庭州南後漢延光二年班勇為西域長擊走匈奴伊蠡王於伊和谷還屯柳中晉太元十年苻秦呂光擊西域自龜茲還至宜禾進至高昌宜禾或以為即伊和之謫也○金且谷在伊和谷之北後漢承建初班勇平車師後部擊走匈奴呼延王北單于自將萬餘騎入後部至金且谷勇遣兵擊却之呼衍王遠徙枯梧河上且於含翻枯梧河在庭州西北境

榆幕谷

在廢庭州北一作榆幕谷唐顯慶初程知節漢陽嘉三年車師後部司馬陸谷在庭州西北後兵掩擊北匈奴於闐吾陸谷大破之是也

匈奴河

在火州西漢元封元年趙破奴擊西域樓蘭車師至匈奴河水是也漢書趙破奴為匈奴

將軍出合居塞數千里至匈奴河水而還

業葉水

在廢庭州輪臺縣西三百里唐顯慶四年鐵勒朱俱波竭槃陀

三國反擊破于闐蘇定方討之至業葉水思結保馬頭川定方襲敗之馬頭川當在于闐界內陷

河在火州西南高居諱使于闐記涉鹽磧而西渡因曰陷河今于闐界西北有麥奚水

志以爲即弱水陷河豈其支流歟

鹽水

火州東有道從水行裴矩西域記鹽水在西州高昌縣東南去瓜州一千三百里並沙磧

地道路不可準惟以人畜骸骨及駝馬糞爲標驗又鹹苦謂之鹽水漢太初二年使使取宛善馬宛

王謂漢去我遠而鹽水中數敗是也既而李廣利伐大宛過鹽水而西高居諱云自伊吾廬而西至

大屯城又西始涉鹽磧無水掘地得濕沙人貯之

乃度陷河云

瀚海

在柳陳城東北皆沙磧若大風則行者人馬相失宋史沙深三丈不消五穀沙中生草名登相

收之以食

摩那渡

在廢庭州北隋開皇三年行軍總管李晃破突厥於摩那渡口是地

右火州

亦力把力

在哈密西一千六百七十里至肅州二千五百三十里至

抵火州西至撒馬兒罕南接于闐北連拜刺古焉耆龜茲二國地居沙漠間東西凡三千餘里南北

二千餘里元初地名別失八里憲宗蒙哥分建諸王合丹於此世祖忽必烈時立宣慰司後又置元

帥府以領屯田明洪武二十四年國王黑約兒火者遣使入貢自是屢遣使貢獻永樂十六年其王

納黑失只罕爲從弟不思所弒自王其地徙其國於西境更號亦力把力正統以後皆入貢不絕

龜茲國城

在亦力把力東南漢西域傳龜茲治延城去長安七千四百八十里東至都護治烏

壘城三百五十里或曰邱慈亦曰屈茲武帝時內
 附王莽天鳳三年戊巳校尉李崇為焉耆所敗收
 餘土還保龜茲後漢建武二十一年莎車攻龜茲
 殺其王匈奴復立龜茲質子建初間與焉耆皆不
 有北道攻掠疏勒諸國示平建初間與焉耆皆不
 附漢永元三年始與姑墨溫宿諸國皆降班超乃
 改立侍子白霸為龜茲王超屯它乾城以鎮撫之
 延平以後龜茲復叛延光三年班勇為西域長
 史龜茲乃率姑墨溫宿諸國黃初三年龜茲遣使貢獻
 域與中國隔遠三國魏遣兵伐之遂朝貢於姑臧太
 晉咸康初涼州張駿遣兵伐之遂朝貢於姑臧太
 元七年苻秦將呂光伐西域焉耆諸國皆降惟龜
 茲不下九年龜茲窘急重賂胡求救胡王侯引
 溫宿尉頭諸國兵赴救龜茲城如長安市邑宮室甚
 者三十餘國光入龜茲城如長安市邑宮室甚
 盛光撫寧西域前世所不能服者悉來歸附改立
 故王帛純之弟震為龜茲王而遣後魏王壽人延
 初龜茲疏勒烏孫悅般渴槃陀鄯善焉耆車師渠
 特九國入貢於魏魏主遣使者王恩生等使西域
 不能達而罷唐貞觀六年入貢二十年以龜茲王

布失畢違命擅侵鄰國因使阿史那社爾討破之
 擒其王盡平其地永徽初復遣龜茲故王布失畢
 還國顯慶三年龜茲內亂復遣將楊胃討平之以
 其地為龜茲都督府仍立其長為王兼為都督既
 而徙安西都護府治焉咸亨初龜茲等四鎮沒於
 吐蕃長壽初西州都督唐休璟等復取四鎮仍置
 都護於此開元九年又置安西節度使治焉為唐
 以後河西軍鎮多為吐蕃所陷惟北庭安西為唐
 守以沙河回鶻為應援吐蕃自是急攻二部益衰
 貞元三年安西陷於吐蕃自是不復入於中國唐
 志龜茲東接焉耆西連疏勒南鄰吐蕃北拒突厥
 為四鎮之一東北到北庭府二千里西南到于闐
 亦二千里李泌謂安西北庭控制西域五十七國
 及十姓突厥五代史安西北庭都護衛西域羈縻三十
 六國是也

多褐城

在龜茲東唐貞觀二十一年阿史那社爾將

兵討龜茲入自焉耆進屯磧口去其王城三
 百里前鋒至多褐城敗之遂進拔其都城新唐書

師城亦在龜茲國東唐顯慶三年遣郎將雷文成
 送龜茲王布失畢歸國至泥師城龜茲大將羯獵
 顛發眾拒之布失畢不敢進尋討誅之○它乾城
 在龜茲東北漢永元三年班超為西域都護居龜
 茲它乾城是也又延平元年都護段禧等守它乾
 城既而與副校尉梁瑾等移守龜茲王城擊敗溫
 宿姑墨等叛戎旋棄西域而還

焉耆國城在亦力把力東西去龜茲人百里東去火
 都護治烏壘城四百里南至尉犁百里北與烏孫
 接至長安七千三百里武帝時內附王莽始建國
 五年焉耆以莽積失恩信先叛西域遂屠解天鳳
 三年遣王駿等出西域來焉耆駿敗沒後漢建武
 二十一年遣子人侍既而附于匈奴及龜茲永元
 二年西域都護班超討誅焉耆及尉犁王更立王
 以撫之於是西域五十餘國悉內屬其後復乖叛
 永建二年敦煌太守張昞等擊降之永和以後復
 與中國絕晉咸康初朝貢於姑臧宋元嘉十二年
 入朝於魏主燾二十五年魏將萬度歸擊破焉耆

其王鳩尸卑那奔龜茲萬度歸復西擊龜茲雷別
 將唐和鎮焉耆者二十年先從魏軍擊焉耆遂與其子
 周所拔其王車伊洛與中國絕唐貞觀六年焉耆
 歇共留保之魏亂復初焉耆人中國繇磧路隋末
 王突騎支遣使入貢支請復閉磧路許之高昌怨
 閉塞道繇高昌焉耆大掠而去十二年西突厥部處
 恨遂遣兵擊焉耆焉耆拔焉耆五城大肆焚掠十八年
 月處密與高昌其拔焉耆五城大肆焚掠十八年
 焉耆附西突厥安西都護郭孝恪討之其都城周
 三十里四面大山海水繞其外恃險不為虞孝恪
 倍道絕水遂克其城改立其王而還二十二年分
 遣阿史那社爾討龜茲出焉耆西趨龜茲北境時
 焉耆仍附西突厥因并擊平之顯慶中置焉耆都
 督府為四鎮之一後沒於吐蕃宋祁曰焉耆東高
 昌西龜茲南尉犁北焉耆漢舊國也直京
 師西七千里而羸橫八百里縱四百里

危須國城在焉耆東百里漢西域傳危須國治危須
 城去長安七百里尉犁國去長安六
 千七百五十里南接鄯善且末二國

讀史方輿卷六十五 陝西十四 文之

碎葉城

在焉耆西北近西突厥之境唐貞觀十二年
 五部居碎葉以西通謂之十姓十部居碎葉以東
 尋置焉耆都督府治碎葉城自北庭都護府護焉耆
 麗河至碎葉界又西行千里至碎葉城水皆北流
 入磧會要調露初安西都護王方翼築碎葉城四
 面十二門為屈曲隱伏出沒之狀五旬而畢又置
 保大軍屯碎葉城內未幾西突厥部長阿史那都
 夏誘蕃落動安西裴行險襲擒之送碎葉城開元
 二年十姓部長都擔叛磧西節度使阿史那獻克
 碎葉等鎮擒斬之上七年十姓可汗請築碎葉城
 與其臣郝摩度據碎葉城別部黑姓可汗爾微特
 勃據怛羅斯城共拒唐明年磧西節度使蓋嘉運
 俱破擒之天寶七年北庭節度使王正見移
 鎮安西毀碎葉城是也突騎施見山西塞外
 姑墨國城在龜茲西六百七十里漢西域傳姑墨國
 孫南至于闐馬行十五日後漢建初三年班超率
 疏勒康居于闐拘彌兵攻姑墨石城破之是也其

後衰絕不通中國○温宿國在姑墨東二百七十
 里漢西域傳温宿國東至都護治所二千三百八
 十里西至尉頭三百里北至烏孫赤谷城六百十
 里後漢永平建初間龜茲強盛改置其部人為姑
 墨温宿王建初

赤谷城

在龜茲西北漢西域傳烏孫國治赤谷城去
 長安八千九百里西至東居蕃地五千五百

孫漢時西域大國也武帝通西域烏孫常附漢共
 擊匈奴宣帝甘露初分其國為大小二昆彌赤谷
 元大昆彌所治城也常惠常屯此以鎮撫之成帝
 彌延二年段會宗將戍已校尉及諸國兵誅小昆
 彌叛者留兵墊婁地選精兵三十弩徑至其國擊
 殺之墊婁蓋地之墊隘處也昆彌即烏孫王號後
 漢建初五年復招慰烏孫元嘉十六年烏孫入
 貢於魏十四年魏遣使董璇如烏孫其後并於突
 厥○呼揭國城在烏孫西北文帝六年匈奴遺漢
 書樓蘭烏孫呼揭及其旁二十六國皆已為匈奴
 又宣帝時匈奴垂亂其西方呼揭王自立為呼揭
 單于胡氏曰呼揭在烏孫之東匈奴西北一日烏

揭漢黃龍元年郅支單于擊破烏孫北

悅般國城

在龜茲北史悅般國在烏孫西北去代

憲所破北單于度金微山西北先康人猶謂之單于

去者任龜茲北地為悅般國涼州人猶謂之單于

王魏主燾太延初入貢真君九年遣使詣魏請東

撥換城

在龜茲國西唐貞觀二十二年阿史那耐爾

追之并下五百里布失畢署急保撥換城社爾攻拔

襲陷龜茲撥換城景龍二年突騎施婆葛入寇分

道出安西撥換馬者疏勒襲敗唐兵於計舒河口

開元六年突騎施部長蘇祿謀取四鎮圍撥換城

德是也一名威戎城唐書安西府西出拓

厥關渡白馬河四百餘里即至撥換城

火燒城

在龜茲西北唐景龍二年突騎施敗唐兵於

又播僊城在龜茲北唐安西都護府界有播僊城

及計舒河口僻城等處皆突騎施出沒處會要僻

城在播僊城東北數百里當四鎮徑來之道又曲

子城在龜茲西唐開元十六年安西副都護趙頤

貞敗吐蕃於此

山國城

在焉耆東南百六十里漢書西域傳山國西

○俱蘭城在碎葉西南唐開元二十六年突騎施

部長莫賀達干作亂既而歸天寶初復叛殺十

姓可汗阿史那昕於俱蘭城安

弓月城

在焉耆西北唐志在庭州西千餘里永徽二

厥城蓋西突厥別部所居也龍朔二年西突厥弓

月部叛屢侵疏勒及于闐發兵討之咸亨四年弓

月來降永淳初西突厥阿史那車薄帥十姓反犯

弓月城安西副都護王方翼擊却之於伊麗河胡

氏曰自弓月城過思渾川度伊麗河方至碎葉界
○柳驢城在焉耆西後魏太平真君九年遣將萬
度歸等擊焉耆別將唐和等說降柳驢等六城又
與車師前部王其擊拔波俱羅城既而萬度歸西
擊龜茲柳驢戍主乙

處

直伽謀叛和擊斬之
處月城又有焉耆南亦西突厥別部所居也其相近者
十六年西突厥乙昆咄陸可汗遣處月初遣使入貢

圖天山伊州刺史郭孝恪擊走之乘勝進拔處月
俟斤所居城追奔至邊索山降處密之眾而歸二
十二年遣阿史那社爾討龜茲因擊破處月處密
部餘眾悉降乃
進向焉耆是也

銀

山在焉耆城北其山連亘綿遠與龜茲接境唐貞
觀十八年安西都護郭孝恪討焉耆出銀山道

焉耆城四面皆水恃險而不設備孝恪夜至城下
浮水而渡比曉登城遂執其王突騎支既而西突
厥大臣屈利啜以孝恪還引兵追之孝恪還擊又
破之于銀山是也二十一年阿史那社爾奉詔討

龜茲自焉耆西出進屯積口去其都城三百里部
銀山積口也亦曰白山山中嘗有火烟蓋出納砂
之處採納砂者著木底鞞取之皮者即焦下有穴
生青泥出穴外即變為砂石土人取以治皮唐志

黑

山在焉耆西唐開元末夫蒙靈晉為四鎮節度使
會遠奚諸部叛諸黑山西趨碎葉靈晉遣高傑

葱

嶺今詳見于闐○賀邏嶺在碎葉城東北唐開元
二十八年突騎施可汗吐火德走擒之於賀邏嶺是

碎

葉川在碎葉城北川長千餘里亦曰細葉川唐西
行羸千里得細葉川是也顯慶二年遣蘇定方擊

地置厥阿史那賀魯擒之悉平其地於是分突厥
居碎葉川東是也又唐志碎葉川口至裴羅將軍

城父西二千

伊麗水

在焉耆西唐志自弓月城過思渾川蟄失密

二年西突厥亂中分二國一在伊列水以西一在

伊列水以東顯慶中蘇定方為伊麗道行軍總管

追西突厥阿史那賀魯於伊麗河又追至碎葉水

盡降其眾永淳初西突厥車薄賧圖弓月城安西

都護王方翼敗之於伊麗河胡氏曰伊列漢西域

雖合水

在焉耆西北唐貞觀十三年西突厥東部可

汗沙鉢羅建庭於雖合水北謂之南庭自龜

茲部善且末吐火羅焉耆石史何穆康等國皆附

北行八日至其北庭鐵曷山行至沙鉢羅南庭又正

是也鐵曷山見山西寒外

曳咥河

在焉耆西唐顯慶二年蘇定方擊西突厥阿

史那賀魯於曳咥河西大破之胡氏曰曳咥

河在伊麗河之東又白馬河在龜茲西唐史自安

西府西出拓厥關渡白馬河四白餘里即至撥換

城是也寅識迦河在弓月城西南唐武后永昌

初草符價與吐蕃戰於此敗績又有葛水在弓月

城北唐永淳初王方

翼敗西突厥處也

熱海在碎葉城東雖寒不凍唐永淳初王方翼敗西

突厥叛部於伊麗河既而三姓咽麴與西突厥

合兵拒方翼方翼又敗之於熱海是也杜佑曰碎

葉川長千里東頭有熱海西頭有怛羅城又有雪

冷泉

在焉耆東南唐武后長壽末武威道總管王孝

傑破吐蕃及西突厥於冷泉又破之於大嶺谷

或曰破西突厥於冷泉也

爵離關

在焉者東北後漢永建二年班勇屯柳中請

從南道助從北道約期俱至焉者朗先期至爵離

關遣司馬將兵前戰破焉者其王遂降釋氏西

域記龜茲國北四十里山上雀離大清淨寺或

以爲即爵離關胡氏亦曰爵離在龜茲北恐悞○

葦橋

在故焉者東南後漢永元六年班超發龜茲部

之險焉者王廣乃扼橋以拒漢超更從他道

厲渡去城二十里營大澤中廣駭懼來降

右亦力把力

于闐

在哈密西南四千八百里至肅州六千三百里

亦力把力漢西域傳于闐國治西城去長安九千

六百七十里南與婁耆接北與姑墨接武帝時內

附後漢永平中于闐擊破莎車雄張南道十六年

班超至其國殺匈奴使者而降建和以後西域長

史治此元嘉以後始貳於漢曹魏黃初三年遣使

貢獻晉咸康初服屬於前涼宋元嘉二十二年以

谷渾王慕利延爲魏所擊西度流沙入于闐殺其

王據其地二十二年于闐遣使求救於魏魏人以

始六年柔然攻于闐于闐遣使求及乃謝却之既

于闐去代都幾萬里遣師勢不能及漢成盧扞彌

而十闐復定唐貞觀中于闐強兼有漢戎盧扞彌

渠勒皮山五國故地服屬西突厥二十三年入朝

顯慶二年以于闐爲毗沙都督府尋又分其境內

爲十州咸亨初沒於吐蕃長壽初復取其地爲安

西四鎮之一自是服屬中國最爲恭順唐志于闐

東北去龜茲二千里是也五代史于闐西南近葱

嶺與婆羅門爲鄰國而相去猶三千餘里南接吐

蕃西北至疏勒二千餘里晉天福中其王李聖天

自稱唐宗屬遣使入貢自是迄於宣和入貢不絕

打架城

在干闐東三百九十里漢書作打彌讀曰烏

讀吏方輿

卷六十五

陝西十四

一各拘彌建武

三

文之司

九年康居王賢攻殺拘彌西夜王而奪其地又永
 建四年于闐復攻奪拘彌王地自是往往與于闐
 相仇殺熹平四年于闐復攻破拘彌殺其王戊巳
 校尉西域長史各發兵扶立拘彌侍子定興為王
 衆裁千口後魏時附於柔然隋時附於突厥唐史
 扞采去柳中城四千九百里後為罕彌五代時
 于闐嘗置州於此高居海云渡陷河又西至緝州
 于闐所置州也又行二日至安軍州遂至于闐其
 東南曰銀州廬州其南千三百里有玉州所
 謂安軍即故罕采城矣又東西四百四十里有精絕
 城漢西域精絕國也○犍都城在扞采國南漢西
 域傳渠勒國治犍都城東與戎廬國接其戎廬國
 治卑品城唐時與扞采渠
 勒戎廬皮山皆并入于闐

皮山國城

皮山國城在于闐西三百八十里治皮山城漢西城
 國千三百四十里道絕險自皮山以南諸國多不
 屬漢漢成帝時遣使謁送屬賓使杜欽請至皮山
 而還也○烏菴國在皮山國西南亦漢西域國
 又西有縣度縣度者石山也谿谷不通以繩索相

莎車城

莎車城在于闐西北漢西域傳莎車國去長安九千
 南至蒲犁國五百四十里西北去疏勒國五百六十里西
 南至蒲犁國五百四十里西北去疏勒國五百六十里西
 附匈奴馮奉世發諸國兵擊之拔其城莎車王自
 殺更立他昆弟子為王王莽之亂匈奴皆遣使奉獻
 莎車獨不附後漢建武中莎車都善攻殺龜茲王
 既而稍貳於漢二十一年擊破都善攻殺龜茲王
 永平三年又以兵威逼奪于闐大宛鳩塞諸國使
 其將守之尋為于闐所敗其後降於龜茲建初五
 年班超言莎車疏勒田地肥廣草木饒衍不比致
 班超擊降之永和以後與中國隔遠其後滅於匈
 奴

植中詰超偽降超斬之又靈帝建寧三年涼州刺史孟佗遣兵合西域兵討疏勒攻植中城不能下是也植或作損悞

尉頭國

在疏勒北漢西域傳尉頭國治尉頭谷去長安八千六百五十里後漢建初元年詔徵班

超還超去疏勒尉頭遂與疏勒連兵超更還疏勒擊破尉頭是也○渴盤陀國在疏勒國西南北史云在葱嶺東朱俱波國之西後魏王燾太延二年

入貢於魏顯慶二年思結侯斤都曼率疏勒朱俱波渴盤陀三國反攻于闐破之唐書亦作渴盤陀

或曰漢陀或曰渴盤陀亦曰渴維陀絲疏勒西南入劍未谷不忍嶺六百里則其國也距

瓜州四千五百里亦俱波西南

嚙嚙國

在于闐西境讀如麻答其先大月氏之種類本居塞北尋自金山而南國於于闐之西漢

西域傳嚙嚙去長安一萬一百里都拔舍城蓋于舍城也亦曰高車別種元魏永平初嚙嚙殺高車

侯倍窮奇唐龍朔初於嚙嚙部部落置十五州或譌為悞悞

大汗都督府仍分其部落置十五州或譌為悞悞

國

休循國

在葱嶺西漢西域傳國治烏飛谷去長安萬二千里又有桃槐國亦在葱嶺西去長安

萬一千八十里○捐毒國在休循東二百六十里漢西域傳治衍敦谷西上葱嶺即休循國皆漢西

域屬國也

勃律國

在葱嶺西南有大小二國小勃律在大勃律西北三百里唐書其國去京師九千里王居

葷多城臨娑奚水開元十年為吐蕃所攻北庭節度使張孝嵩遣兵救之吐蕃敗却册為小勃律王

開元末附於吐蕃其西北二十餘國亦皆叛去屢討無功天寶六載詔安西副都護高僊芝討敗之

擒其王於是拂菻大食諸番七十二國皆降附詔改其國號歸仁置歸仁軍蓋小勃律為諸國扞蔽

唐開元中吐蕃每來攻輒曰吾非利若國欲假道以攻四鎮云劉昫曰小勃律東少南三千里距吐

蕃贊普牙

綏遠城

在小勃律國東其國置城以扞吐蕃唐開元
初置綏遠軍十年吐蕃攻小勃律其王沒謹
忙貽北庭節度使張孝嵩書曰勃律唐西門失之
則西方諸國皆墮吐蕃矣孝嵩遣兵與之夾擊敗
吐蕃復九城復置綏遠軍其後與小勃律諸國皆
沒於吐蕃○阿弩越城在小勃律國東北唐高僊
芝等破吐蕃連雲堡又進三日至坦駒嶺下峻阪
四十餘里行四日始至阿那越城城主迎降遂入
小勃律都城是也又菩薩勞城在大勃律東唐書
作賀菩勞城天寶十二載安西節度封常清擊大
勃律至菩薩勞城大敗之

五識匿國

在小勃律東北所居曰特勒滿川唐天寶
六載高僊芝討小勃律自安西過撥換城
入握瑟德經疏勒登慈嶺涉播密川共入百餘里
乃頓特勒滿川即五識匿國云握瑟德或曰亦西
域小國名○護密勒城在小勃律國都城北五百
里唐開元中西域護密初附吐蕃天寶初其王讓
吉里匄遣使請降六載高僊芝伐小勃律頓特勒
滿川分軍為三使疏勒趙崇北自北谷道撥換賈

崇確自赤佛道僊芝自護密道約
會於連雲堡護密道即是城也

羯師國

與吐火羅鄰接大勃律一名羯師北族也或
曰布露直吐蕃西其北即小勃律天寶九載
河西節度使高僊芝擊破之政立其王○箇失密
國唐志北去勃律五百里亦曰迦濕彌羅國又判

汗國治慈嶺中都城亦曰慈嶺
嶺國唐貞觀中屬於西突厥

欽察國

在慈嶺西宋嘉定十六年蒙古將速不臺滅
欽察大掠西番邊部而還置欽察都指揮使
治其地諸裔攷欽察去中國三萬餘里產良馬元
史蒙古窩闊台五年命諸王拔都征西域欽察阿
速幹羅思等國明年命蒙哥往焉至覓田吉思海
旁欽察部長八赤蠻逃避海島中適大風吹海水
乾遂生擒入赤蠻等進征幹羅思至也列贊城破
之○乃蠻國亦在慈嶺西南宋嘉定中蒙古鐵木
真擊滅乃蠻諸部是也其後復立其部人為乃屈
出律蠻至宋史景定元年乃蠻王襲西遼王且魯
古遼祖始絕

南山 在干闥南東出金城與漢南山相接漢書西域

南山指此山也北山即天山金山諸大山矣

葱嶺 在干闥西南志云于闐地居葱嶺北二百里是

自玉門陽關出西域有兩道從鄯善傍南山西行

至莎車為南道西道循河西行至疏勒為北道

自車師前庭隨北山循河西行至葱嶺蓋西域

北道西踰葱嶺則出大宛康居奄蔡葱嶺蓋西域

諸國之望也唐武德二年以楊恭仁為涼州總管

恭仁習邊事於是葱嶺以東並人朝貢宋史高昌

西距西天竺路陟雪山葱嶺皆數千里高數百丈

白玉河 在干闥城東國人有綠玉河又南有烏玉河志云三

國皆源出崑崙山去國城西一千三百里每歲秋

閩人為綠玉白玉謂之撈玉高居諷云河源出至

烏玉三河悞矣

娑奚河 即弱水在小勃律國境內其北又有娑勒川

挑戰破之披其城遂引師過坦駒嶺渡娑奚河進

至阿越弩城是也其水至弱不能勝草芥高居諷

云陷河在干闥東南界或以為娑奚河別出者也

播密川 在葱嶺西唐高僧芝伐小勃律登葱嶺涉播

密川密川既而還至播密川遣使奏狀乃至河西

胡氏曰河西白馬河西也見亦力把力國

八魯灣川 在葱嶺北宋嘉定十六年蒙古鐵木真遣

下之至可溫寨與諸將會以兵攻諸部落之近者悉

域漸定置官於各城監治之

寬田吉思海 在葱嶺西宋嘉定中蒙古伐欽察至寬

城又進圍幹羅思

連雲堡 在小勃律國東北本吐蕃所築唐天寶六載

高僊芝討小勃律分軍三道約會吐蕃連雲

堡下攻堡拔之尋入小勃律繫其王自赤佛道還連雲堡班師唐志連雲堡南依山北據娑勒川以爲固

娑奚橋 在小勃律國都城南娑奚水上有藤橋路通吐蕃橋夫城猶六十里唐高僊芝入小勃律急遣將席元慶所之有畢而吐蕃兵大至已無及矣藤橋濶盡一矢力修之期年乃成

右子闡

撒馬兒罕 在哈密西七千二百里至肅州九千里至京師一萬四千里至西里東連亦力把

力西抵哈烈相傳漢屬賓國地東西相距三千餘里地勢寬衍土田膏腴元使駱馬帖木兒王其國明初洪武二十年帖木兒遣使人貢自是入貢不絕

養彘城 在國東志云撒馬兒罕東有養彘城及沙鹿石城及迭里迷諸城又有達失干城國西又有渴

皆隸於撒馬兒罕

罽賓國城 在撒馬兒罕東漢西域傳罽賓治循鮮城去長安萬二千里東平烏秬國二千

二百五十里武帝始通罽賓後恃險遠數肯叛成帝時杜欽言縣度之阨非罽賓所能越是也唐書罽賓在葱嶺南隋爲漕國龍朔初於罽賓所治遏紇城置循鮮都督府云

安息國 在罽賓東北漢西域傳安息治番兜城臨焉水去長安萬一千里北與康居東與烏

弋山離西與條支接武帝始遣使至其國其屬小大數百城地方數千里最安國也後漢永元九年班超遣椽甘英窮西海及安息西界范曄曰白條支轉北而東馬行六十四日至安息是也唐曰安

國貞觀二十二年討平龜茲安國來獻即此也烏域傳自玉門陽關出南道歷鄯善而南行至烏

吐火羅國 在安息東北漢爲大月氏國西域傳大月

罽賓接其初本行國也隨畜遷徙居敦煌祁連間後爲肩頓所破乃遠去過大宛西擊大夏而臣之

都嬌水北為王庭其餘小眾不能去者保南山羌
 號小月氏有五翎侯治雙靡城一曰休密翎侯治和墨城二
 曰雙靡翎侯治雙靡城三曰貴霜翎侯治高附城
 四曰雙靡翎侯治雙靡城五曰高附翎侯治高附城
 城五翎侯皆屬大月氏其後為吐火羅國或曰吐
 豁羅或曰魏謂之吐火羅國在大宛西南居焉
 河之南大月氏分其地居焉水北地肥饒少寇後并
 為吐火羅國太武時入貢杜佑曰一名土壑宜都
 葱嶺西五百里在烏聖河南烏聖河即嬌水也唐
 貞觀十五年西突厥擊吐火羅滅之龍朔二年於
 吐火羅國所治渴換城置吐火羅都督府云翎翕同
 護密多國在京師九千里而烏所治摩悉鐵帝亦曰
 鑊俛元魏謂之鉢和臨烏所治摩悉鐵帝亦曰
 之龍朔初於護密多國所治摩悉鐵帝亦曰
 開元十八年其王羅真護檀入朝雷宿衛○俱密
 國在吐火羅東北治山中南臨黑河其王突厥延
 陀種唐開元七年俱密王那羅延
 上言為大食所侵乞兵救援是也

嬌塞國

在吐火羅南塞西戎別種也臨嬌水而居因
 名漢永平三年莎車王賢以兵威過等子竇
 大宛嬌塞王國即此○謝颺慶中曰吐火羅西南或
 曰漕矩咄或曰漕矩唐顯慶中曰吐火羅西南或
 初於其國治伏寶瑟賴城置條支都督府武后時
 改曰謝颺國東距蜀賓四百里南連天竺西接波

年遣使人貢
 漢書康居小王居蘇離城去陽關凡八千二百五

史國

獨莫水南漢康居小王蘇離城去陽關凡八千二百五
 里元封末朝獻隋大業中復通中國貞觀中入
 貢謂之史國天寶中改曰來威國○俱蘭國在吐
 浪羅北其都城亦曰俱蘭城或曰俱羅弩或曰俱
 騎施至唐天寶初發兵納十姓可汗阿史那斯於突

鐵門峽

在渴石城之西懸崖絕壁高數十仞徑路
 崎嶇深二三里番人守此亦名鐵門關

哈刺卜蘭河

在撒馬兒罕城東河淺澗而北流○火

連河又阿木河在迭里

迷城東水西流多魚
媯水在吐火羅北源出葱嶺西南流入於西海其水
深廣長千餘里遠近諸水匯入焉亦名烏野河

右撒馬兒罕

哈烈在哈密西五千一百里至肅州萬一千里至京

平川四面皆大山東北去撒馬兒罕一千四百里

元驢馬帖木兒之子沙哈魯居此國人稱之為速

其部長永樂七年頭目麼賚等朝貢正統二年指

俺都城在哈烈東又有淮入

康居國在哈烈東北漢西域國元朔中張騫至大宛

傳國治樂越匿地利卑闐城去長安萬二千三百

謂之者古國北史者古漢康居也去代一萬

四百五十里北魏王燾太延二年入貢唐志康國

本破稍南依葱嶺即有其地昭武為姓示不忘

居唐時謂之康國貞觀五年康國求內附不受開

元七年其王烏勒伽為大食所侵

與俱密及安國皆上表乞援云

米國在故康居之南或曰彌末或曰弭抹賀漢書米

西突厥擊米國破之○大安國在康居旁或曰布

豁或曰捕喝元魏謂之紐密西瀕烏澗河治河謚

城即康居小君長闡王故地也又有小安國或曰

東安或曰渴汗在密水之陽東距河二百里許

治渴汗城唐書大宛東北至小安四百里開元

何國

在康居旁或曰屈霜彌加或曰貴霜匿漢時康

俱屬康居此即附墨國矣唐時為何國○火燔國

讀史方輿

卷六十五

陝西十四

三

文

在故康居西或曰貨利奢彌或曰過利居烏澹水
之陽唐時西番國也西南與波斯接西北抵突厥
新唐書唐康國即漢之康居支庶分王曰安曰曹
曰石曰米曰何曰火燁曰戊地曰史世謂之九姓
又有穆國或云

石國城

亦康居支庶云
北距西突厥王姓石治拓所城即故康居小王之
城為大宛都督府開入貢顯慶三年以國治撤揭
五年突騎施部長謀取四鎮國督開元初封石國王
石即白國也天寶十載高僊芝襲石國擒其王又
蘇喘城在石國西北唐顯慶二年蘇定方襲取西
突厥阿史那賀魯於斜羅斯川賀魯脫走至石國
西北蘇喘城城主誘執之歸於定方於是遂平西
突厥之地蘇喘

大宛國

蓋石國屬城也
大宛國在石國南四百里當輪臺之西漢西域傳大
宛治貢山城去長安一萬二千里西南至大

月氏所居六百九十里北至康居卑闐城千五百
一十里有別邑七十餘城多善馬武帝求之弗得
漢使言宛有善馬在貳師城太初元年以李廣利
為貳師將軍伐宛不克三年復伐之宛城中無井
汲城外流水於是遣水丁徙其城下水宛大困遂
降之其後為曹國唐志曹國西至康國東北至寧
遠國各四百里有東西中三國東曹居波悉山之
陰即故貳師城地西曹者隋時曹國也南接史國
及波覽瑟國治瑟底痕城中曹治迦底真城後合
為一國括地志大宛國今名率都沙那國亦名蘇
對沙那國驩潛國在大宛西上相近又有大益
國漢元封六年安息及諸小國驩潛大益之屬皆
隨漢使獻見又郁成國大宛東邊小國也漢太初
元年李廣利伐大宛攻郁成不克既而復引兵伐
宛攻敗郁成即此

寧遠國

寧遠國在故曹國東北本名破落那漢大宛別部也
破落那宋元嘉十四年破落那入貢於魏北史顯

破落那宋元嘉十四年破落那入貢於魏北史顯
卷六十五 陝西十四 百五十里唐史顯

慶中拔汗那內附自是屢來貢獻拔汗那者亦曰
 鏖汗後魏曰破落那居吐蕃與大食別立其黨阿
 京師八千里開元三年拔汗那王敗奔安西御史張
 了達為王發兵攻之拔汗那王敗奔安西御史張
 孝嵩時奉使安西以便宜師於連城破之屠其三城
 千里下數百城攻阿了達於連城破之屠其三城
 阿了達遁走山谷皆遣使請降開元未以拔汗
 康居大宛罽賓等國皆遣使請降開元未以拔汗
 那助唐平突騎施此火僊可汗改其國曰寧遠册
 其王為奉化王其後分為二汗治呼悶城一治遏
 塞城杜環征行記按汗那國在恒邏斯南千里
 隔山東去疏勒二千餘里西去石國千餘里
 恒邏斯城在故石國東北杜佑曰碎葉川長千餘里
 七年積西節度使蓋嘉運遣疏勒鎮守使夫蒙靈
 蒼與拔汗那王阿悉爛達于潛襲恒邏斯城擒突
 騎施別部黑姓可汗爾微天寶十載高僊芝自安
 西討大食大敗於恒邏斯城是也胡氏曰城初屬
 石國常分兵鎮之碎
 葉川見前亦力把力

曳建城

在恒邏斯城西北唐開元二十七年積西節
 度使蓋嘉運遣別將破恒邏斯城擒突騎施

邽支城

在康居東漢初元中康居為烏孫所困乃逸
 邽支城邽支單于於堅昆欲與合兵擊烏孫邽支建

支二國北擊伊列西取安息南排月氏山離烏弋
 此二國北擊伊列西取安息南排月氏山離烏弋
 屯田吏士及西域諸國危矣遂矯發車師戊巳校尉
 葱嶺經大宛三校都護白將發溫宿國從北道入
 赤谷過烏孫涉康居界至闐池西前至邽支城都
 賴水上離城三里止營
 傳陳進攻城破斬之
 丁靈國在康居國北境漢時西域小國也去匈奴庭
 其地為名耳靈亦作令宣帝時丁令往在鈔盜匈
 奴匈奴發騎擊之無所得黃龍元年為邽支所并

粟持國

王莽始建國二年遣將分道出塞議窮追匈奴納之丁合即此

即奄蔡也西域傳康居西北史魏一千餘里有奄蔡國

臨大澤無涯蓋北海云北史魏主燾太延初粟持國入貢隋書作粟特其國在葱嶺西去代萬六千里

哈刺魯部

降於蒙古宋嘉定四年部主阿昔

金牙山

在石國東北唐有金牙道行軍總管蓋因以

於此白稱沙鉢羅可汗顯慶二年蘇定方追賀魯

雙河

在石國東北唐永徽二年西突厥阿史那賀魯

賀魯叛自庭州莫賀城擁眾西走建牙於雙河

脫走石國四年西突厥崑陵都護呵史那

斜羅斯川

在石國東北唐顯慶中西突厥阿史那賀

擊趨斜羅斯川今見山西塞外

都賴水

舊在鄧文城東漢建昭中鄧支單于暴虐支

支前至鄧支城都賴水

千泉

在石國北唐初西突厥射匱可汗之子統攝護

城西四百里至千泉地羸二百里南有雪山三垂

地因以名

右哈烈

拂菻

在哈密西南三萬餘里東南至滅力沙北至海

紀乃抵中國古犁軒國也亦曰黎軒東漢為大秦
 國延熹八年其王安敦遣使來獻唐為拂菻國村
 佑曰居西海上亦名海西國去京師四萬里北直
 突厥可薩部西瀕海東南接波斯唐龍朔三年為
 大石所破宋白曰其地在安息烏弋之西隔大海
 宋元豐四年其王遣使來貢元祐中復至明洪武
 四年詔遣其國故民捍占倫齊
 詔諭之尋遣使來朝并貢方物
 波斯國在拂菻之東漢西域條支國也西域傳自皮
 烏弋山離國復西南馬行百餘日至條支條支臨
 西海水回環其南及東北三面惟西北隅通陸道
 班超遣椽甘英使大秦條支窮西海是也後為波
 斯國北史波斯國都宿利城在罽密西古條支也
 魏主壽時入貢子攸建義初獻獅子於魏秦賊萬
 俟醜奴謂之囚改元神獸魏志波斯國去代都三
 萬四千二百二十八里唐志波斯國在達曷水之
 西距京師萬五千里而麻東與吐火羅康國接北
 鄰突厥可薩部西南皆瀕海村佑曰波斯應即條
 支故地有波斯匿王大月氏別裔因以為號唐永

大食國

歲五年大食發兵擊波斯殺其王王子卑路斯奔
 吐火羅大食兵去吐火羅送之還國顯慶三年唐
 平西突厥西盡波斯並隸安西都護府龍朔
 元年於其國所治疾陵城置波斯都督府
 舊在波斯之西本波斯地也隋大業中有波
 斯國人牧於俱紛摩地山有獸言曰山西三
 大食國有利兵黑質而白文得之者王走視如言石文
 言當反乃詭眾哀亡命於恒曷水劫尚旅保西鄙
 自王移黑石寶之國人往討皆大敗而還唐永徽
 二年其王斂密莫末膩始遣使朝貢五年大食發
 兵擊波斯殺其王而去龍朔三年又破波斯拂菻
 南侵婆羅門吞滅諸戎勝兵四十餘萬天寶十載
 安西節度最高僊芝擊大食為所敗貞元中大食在
 西域為最强盡有波斯突騎施之地東盡葱嶺西
 南際海方萬餘里

乞石迷國

在拂菻北宋寶祐六年蒙古遣其宗王旭
 烈伐西域平乞石迷等千餘國轉戰萬里
 西渡海收富浪國遣使獻捷旭烈雷鎮西域○骨
 咄國在拂菻西北或曰阿咄羅治思助建城其西

又有護沙國舊唐書龍朔元年於骨咄施國所治妖沙城置高附都督府

烏菴國

唐書在大食西自吐火羅踰五種至婆羅覩來朝從封泰山一名烏菴國高宗麟德中

六百里亦曰烏菴○俱位國唐志云在大石西或曰商彌治何除颶思多城在大雪山勃律河北地

寒冬窟室以居又常昭曰大秦國北有焦僥氏孔子云焦僥氏三尺短之至也蓋亦西南裔種唐開

元八年遣使册命烏菴骨咄俱位三王以其不附大食叛

唐云

西海

在拂菻國境漢永元六年班超撫定西域至於海濱四萬里外皆重譯貢獻九年班超遣椽甘

英使大秦條支窮西海及安息西界臨大海欲渡船人謂英海水廣大往來者逢善風三月乃得渡

若遇遲風亦有二歲者故人海人皆齋三歲糧英乃止亦謂之秦海以與大秦國近也水經注崑崙

西有新頭河經中天竺國又西逕安息南注於雷翥海雷翥海即西海也在安息之西犁靬之東西

海之水東南會於交州漲海胡氏曰西海之濱古有條支大秦蒙奇兜勒諸國安帝延光二年張璠言北匈奴常輾轉蒲類秦海之間專制

弱水

在拂菻國境西域傳弱水在條支自長安西行萬二千里又百餘日方至其地蓋非禹貢所稱

之弱水云

右拂菻

天方國

在西域之西古筠衝之地舊名天堂亦名西域明宣德中其王遣使人貢

訛答刺城

在天方境內宋嘉定十一年蒙古王鐵木真侵西域取訛答刺城繼又分遣軍攻幹

脫羅兒玉龍傑赤等城自將攻迭里密班勃訖城皆克之是也

右天方國

默德那國

即回回祖國與天方國接界其初有謨罕

讀史方輿卷六十五 陝西十四 尊之號為別

諸拔爾猶華言天使也其教有陰陽星歷醫藥音
樂之類隋開皇中國人撒哈八撒阿的幹葛思始
傳其教入中國明宣德中其國
使臣隨天方國使臣來朝貢

塔里塞砦

在回國境內宋嘉定十四年蒙古鐵木
真侵西域拔塔里塞砦進薄回國城其

王委國而去
逃匿海嶼

右默德那

印度國

在西南即漢之身毒張騫曰身毒在大
食東南可數千里或謂之乾篤或曰摩伽陀

或曰婆羅門亦曰浮屠至唐時謂之天竺去京師
九千六百里居葱嶺南幅嶼三萬里分東西南北

中五天竺南天竺西天竺北天竺距雪山東天竺際
海與扶桑接西天竺與罽賓波斯接中天竺

為四天竺都城為茶鑄和羅城最强四天竺
皆臣之

遣使王尸羅逸多死國亂其臣阿
羅那服自遂拒命元策發吐蕃諸國兵擊破之

宋時謂之忻都後謗為印度仍分東西南北中五

印度而東印度亦曰榜葛刺國北印度亦曰伐刺

刺國中印度亦曰詔納樸兒國明永樂六年榜葛

刺國王嚮牙思丁遣使朝貢十二年又遣使入貢

尋遣使齎詔諭詔納樸兒國
王一不刺金餘未嘗通中國

茶鑄和羅城

舊為中天竺都城之名唐貞觀二十二
年王元策擊天竺破其都城卽此又懷

德城卽唐南天竺也開元中南
天竺請各其國賜名懷德軍

迎毘黎國

志云天竺旁國也宋元嘉五年其王月愛
遣使入貢又有蘇摩黎國斤陀利國婆黎

國皆事佛道與
天竺風俗相近

師子國

亦天竺旁國居兩南海中宋元嘉五年其王
利利摩訶入貢唐開元中復入貢南史師子

國地和適無冬夏之異五穀隨人種不須時節云
○竺乾國亦天竺旁國也居西南海中蒙古取其
地或曰卽乾篤之謗又有牙濟班卜二國
元英宗至治初遣使從二國取佛經云

五嶺 在東印度國山高

乾陀衛江

在中印度國唐貞觀二十二年王元策破

元策復進擊之眾潰水經注崑崙山西南有大水出焉曰新頭河西南流逕烏婁國又屈而東南流逕

中天竺國亦曰恒河又西逕四大塔北又

鐵門關

在東印度國北所謂乾陀衛江疑卽此

右印度

西番朶甘衛都指揮使司

在河州衛西南木西羌種隋

唐末復衰種類分散凡內屬者謂之熟戶餘謂之生戶宋時入貢不絕其首領唃廝囉始居鄯州後徙青唐神哲高宗朝皆授以官元憲宗始於河州置吐蕃等處宣慰司都元帥府又於四川徽外置碉門魚通黎雅長河西寧等處宣撫司至元中復郡縣其地以番僧領之明初洪武二年遣使持詔招諭之不從來

寇臨洮守將韋正禦却之乘水渡河擣其營懼而請

降自是諸部相繼來歸六年置烏思藏朶甘二指揮

使司及宣慰招討等司萬戶府千戶所明年升烏思

藏朶甘爲都指揮使司置西安行都指揮使於河州

統二番司復封番僧爲闡化等王俾導其衆以時朝

貢二十五年立茶馬司於洮河二州聽番人以馬易

茶永樂元年番族來朝五年遣指揮劉昭等往西番

設驛通使正統景泰間番族多來朝貢天順五年番

寇涼州邊帥衛穎敗却之入年西寧番族把沙作亂

穎復討破之自天順以後番僧數入貢漸逾舊制成

化九年岷州番復入寇又是時茶政不修番族各供

宏治末都御史楊一清請申明舊制使番族各供差

都勃鴿番為亂四川撫臣楊守禮討破之自王瓊定
 諸番赤卜刺亦為北都所收復西陲稍寧隆慶中復
 修貢如制既而北都俺答以迎佛為名駐牧西海盤
 食西番番人大困萬歷以後西番復定大抵在陝西
 境者為朵甘諸番在四川境者為烏思藏都指揮使司
 三十三種番裔俱詳見四川烏思藏都指揮使司
 吐蕃即今西番唐志其地在京師八千里本西羌屬
 漢永元十三年唐世居折支河西其後為秃髮
 是也亦曰發羌唐旄世居折支河西其後為秃髮
 樊尼所據樊尼者南涼秃髮烏孤之子初烏孤卒
 樊尼尚幼弟倭檀嗣位以樊尼為安西將軍元魏
 神瑞初倭檀為西秦乞伏熾盤所滅樊尼集餘眾
 歸沮渠蒙遜為臨松郡丞及蒙遜滅樊尼率眾西
 奔濟黃河逾積石居岐布川及邏婆川於羌中建
 國開地千里改姓為罕鞞野以秃髮為國號語訛
 為吐蕃其國都城號為邏些城隋開皇中有論贊
 索者居牂牁西唐貞觀八年始通中國龍朔二年
 滅吐谷渾盡有其地天寶以後吐蕃盡取羊同党
 項及諸羌地東與涼松茂嵩等州相接南至婆羅

門西陷窺茲疎勒等四鎮北抵突厥地方萬餘里
 廣德初復陷隴右河西諸州鎮建中三年鳳翔隴
 右節度張鑑與吐蕃盟於清水其文曰今國家所
 守界涇州西至鞏州暨劔南西口隴州西至清水縣鳳
 州西至同谷縣暨劔南西口隴州西至漢界蕃
 國守備在蘭渭原會西至臨洮又東至成州抵劔
 南西界些諸蠻大渡水西南為蕃界蓋自漢魏
 以來西戎之盛未嘗有也大中間吐蕃國亂咸通
 中吐蕃益衰其部族皆離散宋青唐羌唃廝囉者
 其苗裔也沈括曰唃廝囉據宗哥邈川有漢隴西南
 安二郡地東西二千餘里大聖中徙居青唐會趙
 元昊叛以兵遮唃廝囉遂與中國絕尋復內附死
 少子董檀嗣其國遂乖貳熙寧五年王厚攻吐蕃
 盡得河南熙河洮岷疊宕六州之地自是叛服
 不一然種類愈微其雄傑者為西番部長云
 吐谷渾在陝西塞外古析支之地鮮卑種也晉永嘉
 之西極於白蘭地方數千里稱河南王其孫葉延
 以爲禮公孫之子得以王父字爲氏乃自號其國

曰吐谷渾保於白蘭太和六年葉延子辟奚附於
 苻秦苻堅封為瀚川侯太元十五年辟奚子視連
 附於乞伏乾歸乾歸拜為沙州牧白蘭王旋卒子
 視罷嗣立乾歸以父爵授之不受隆安二年為乾
 歸所敗走保白蘭是年卒弟烏紇提立尋卒視罷
 之子樹洛干立義熙十二年為西秦將木奕干所
 敗走保白蘭山卒弟阿柴嗣立以兵力侵并其旁
 小種地方數千里遂為強國宋元嘉初卒烏紇提
 之子慕瑱立元嘉六年西秦王暮末徙南安其金
 城枹罕隴西之地皆為慕瑱所據十三年卒弟慕
 利延立三十一一年慕利延兄阿柴之子緯世謀降
 魏慕利延殺之緯世弟叱力延奔魏請兵攻吐谷
 渾魏主燾使拓跋伏羅督諸軍討之慕利延奔白
 蘭西度流沙入于闐殺其王據其地明年復還保白
 蘭二十九年卒樹洛干之子拾寅立始居伏羅川
 齊建元三年卒子度易侯立請命於齊齊主授以
 西秦河二州刺史河南王永明八年卒子伏連籌
 立仍授秦河二州刺史十年魏以伏連籌為都督
 西陞諸軍事西海公吐谷渾王梁天監二年魏又

以伏連籌為西秦河二州刺史河南王中大通二
 年梁以吐谷渾佛輔為西秦河二州刺史時魏亂
 佛輔以別部南附梁也大同六年伏連籌卒子夸
 呂立始稱可汗居伏俟城其地東西三千里南北
 千餘里隋開皇初寇涼州遣將元諧等擊收之於
 豐利山又敗其太子可博汗於青海吐谷渾震駭
 夸呂遠遁部落多降於隋以其高寧王移茲哀
 為河南王使統降眾十一年夸呂卒其子世伏立
 十七年國亂國人殺世伏立弟伏允朝貢於隋大
 業四年伏允為鐵勒所破請降求救於隋遣宇文
 又述將兵逐之伏允懼而西走述追獲其眾伏允
 南奔西山其故地盡為隋有明年親將兵伐吐谷
 渾鹵獲其眾伏允敗走無以自資客於党項會隋
 亂伏允乃還收故地貞觀中屢犯鄯蘭廓諸州入
 年遣李靖等分道討之伏允走死盡平其地改立
 伏允子順為可汗尋為國人所殺改立其子諾曷
 鉢自是吐谷渾益衰龍
 朔三年為吐蕃所滅
 西羌舊在陝西四川塞外四裔傳西羌本自三苗舜
 徒之三危今河關西南羌地是也濱於賜支至

於河首綿地千里賜支析支也夏商周之際或從
 侯伯征伐有功天子爵之以為蕃服羌爰劍者秦
 厲公時為秦所執以為奴隸羌人謂奴為無弋故
 號為無弋爰劍後得亡歸將其種人或為犛牛種越
 曲西數千里其後子孫各自為種或為犛牛種越
 嵩羌是也或為白馬種廣漢是也或為參狼種
 武都羌是也至爰劍曾孫忍及弟舞獨雷湟中忍
 生子研故羌中號其後為研種漢景帝時研種雷
 何求守隴西塞於是徙雷何等於狄道安故及武
 帝西逐諸羌乃渡河湟築合居塞始置護羌校尉
 從爰劍種五世至研研最豪健十三世至燒當復
 冢其子孫更以燒當為種號漢良者燒當之元孫
 時王莽篡位四夷內侵及莽敗眾羌還據西海光
 武之世以牛那為護羌校尉自燒當至滇良世居
 河北大允谷種小人貧而先零卑南皆強富數侵
 犯之滇良父子積怒從大榆中入掩擊先零卑南
 大破之掠財畜居大榆中繇是始強滇良死子滇
 吾立部落轉盛常雄諸羌管時內附以其地屬滇
 山郡宋齊亦得之為西魏所有魏書白水羌像
 舒治者常為羌豪自稱鄧至王其子舒彭遣子內

勇文階

附為小藩關中亂乃絕西魏末平鄧至番有其地
 後周保定五年置龍涸防今四川松潘衛是其地
 也

党項

舊在陝西之南塞外古析支之地漢西羌別種
 也隋書云古三苗之後其種有宕昌白狼東接

臨洮西平西拒葉護南隸春桑迷桑等羌北連吐
 谷渾周回數千里自魏晉以後西羌微弱周滅宕
 昌鄧至之後党項始強其種散處山谷間每姓別
 為部落一姓之中復分為小部落大者萬餘小者
 數千騎不相統一一有細封氏費聽氏往利氏頗超
 氏野辭氏房當氏末禽氏拓跋氏最為強大唐貞
 觀三年党項部長細封步賴來降以其地為軌州
 各以其部長為刺史党項之地亘三千餘里步賴
 部既為唐所禮餘部相繼來降以其地為岷州
 遠四州五年太僕寺丞李世南開党項河曲地為
 十六州四十七縣內附者三十萬口有羌曰拓跋
 赤詞者附於吐谷渾工伏允後亦歸欵列其地為
 誌嗟然可等三十二州屬松州都督賜拓跋赤詞
 姓李氏自是從河首積石以東並為中國之境後

以自固又西南即伏羅川劉宋元嘉二十九年吐谷渾王拾寅始居伏羅川蓋未離白蘭之險也志云白蘭山在羌中其地險遠唐時丁零羌居之左屬党項右接多彌杜佑曰白蘭羌之別種東北接吐谷渾西北至叱利模徒南

黃河

界那鄂風俗物產與宕昌同
星宿海也又東北流二三百里乃
經崑崙山云今詳見川瀆異同
地湧出如井西鄙河源出於此朱思本曰河源從

也里木河

在崑崙西南朱思本曰吐蕃西南大山峻嶺綿亘千里忽蘭河出焉流五百餘里注

也里木河也里木河亦出白山西北流五百餘里又西有赤里出河俱北流與赤賓河合赤賓河即黃河

哈刺河

在崑崙東北出西番白狗嶺嶺近四川威州界其水西北流凡五百餘里入黃河一名細

河志云出西番中鵬梭山
西流七百餘里入黃河

乞里河

在崑崙東北千餘里朱思本曰哈刺河與黃河合正北流二百餘里過阿以伯站有乞里

馬出二水出岷山之北經右
當州境幾千里與黃河合

可跋海

在西番境周七十餘里其水東南流至雲南合西洱河者號漾備水又東南出四川會川

衛者為
瀘水

右西番



紀要

專文閣

讀史方輿紀要卷六十五終



70059175

